

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



नेपाल संवत् १९४९ थिलाथ्व: / २०७७ पुस १ / 2020 Dec./ ल्या: २५, दाँ: ३



**नीगुकगु अन्तर्राष्ट्रिय अपाङ्ग दिवसया लसताय्
अपाङ्ग मैत्री सामान लः ल्हाव**

पुस १ गते निसें ब्वनयकुथि चाय्केता बैठक
(२०७७ मंसिर २५ गते)



हिंघगू तगिंया छात्रवृत्तिया परीक्षा निरीक्षणय् प्रमुख ज्यू
(२०७७ मंसिर २२ गते)





डय्खगूगू स्वप पौ, बःखि पौ(पाक्षिक)

; DkfbSlo

@)&& k' ! , C^a \$ %! , jif#

आर्थिक समानता नपां मानव अधिकार दय् मः

न्हयन्यकगू विश्व मानव अधिकार दिवस थी थी ज्या इवःयाडः डाय्कल । तस्कं थिकय्गु होटेल होटेलय् डाय्कगु ज्या इवः सं मानव अधिकारया बारे अपलं ब्याख्या, विश्लेषणत याता । धात्थें धाय्गु खःसा आर्थिक समानता मरुगु मानव अधिकारया छुं हे अर्थ दैमखु । सकल जनताया लागिं नय त्वनय्गु, च्वनय्गु व पुनेगु (गाँस, बास, कपास) धात्थेंगु ब्यवस्था याय् मफय्कं भ्वँतय्जक च्वयां जनतां मानव अधिकार दत जक मन ह्वय्कय् फै मखु ।

कृषि प्रधान देशय् बाली लगय् याय्गु इलय् देसी (रासायनिक) सः मरु । सः मदय्कं हे किसान तय्सं वा पिता । गुकिं देशय् दुकाइगु अन्नया राष्ट्रिय उत्पादनय् तप्यंक हे बाँमलागु लिचवः लात । श्व नेपःमि जनताया मानव अधिकार लाक कःगुया दसु खः ।

कोरोना भ्वल्वयया हुनिं लखलख नेपःमिपुं पीडित जुल । गरिबपुं जनतात उखय् थुखय् अस्पतालय् जुजुं हे प्राण त्वतल । कोरोना ल्वयया वासयाय्ता इलय् हे धेबा मुनयँ मफयो, अलय् इलय् हे उपचार काय मखाडः अपलं मनूत सीत । सरकारया पाखं जगू मानव अधिकार हनन खः ।

चान्हयँ न्हिनयँ हे मधःसिं म्हाय् मस्त बलात्कृत जुयो च्वंगु दः । बलात्कारीत च्वय-च्वयया पदाधिकारी पिनिगु कृपा दःपुं जगुलिं पीडकपिनि हःनयँ छाती फर्केयाडः जुयो च्वंगु दः । पीडितपुं धःसा थी थी कार्यालय जुजुं जुजुं थःगु सुनुवाई मजुसेलिं निराश जुयो गुलिसिनं आत्महत्या यात । श्व नेपः देया धात्थेंगु सत्य खँ या क्पिा खः ।

भ्रष्टाचारं मथ्यगु थाय् गनां हे मदय् धुंकल । चाकलीं भ्रष्टाचार ना वय धुंकल । प्रशासन निसें न्यायालयतक भ्रष्टाचारयाइगु थाय् जुय धुंकल । न्याय बिइपुं न्यायाधिशत भ्रष्टाचारया द्वपं मलापुं मदैन । अख्तियार प्रमुख त हे भ्रष्टाचारी दक ज्वडः यकिगु । प्रहरी व सेनाया च्वय-च्वयया पदाधिकारीपुं भ्रष्टाचारय् दुथ्याडः च्वंगु घटनात बारम्बार प्याहाँ वयो च्वंगु दः । भ्रष्टाचारता राजनीतिं गां तपुय थें तपुयो तइगुलिं भ्रष्टाचारीत भन अप्वयो च्वंगु दः ।

थःगु देशय् ज्या मदयो पीगू लाख स्वयो अपः ल्यासे ल्याम्होपुं थःगु हिचःति कत देया नितिं हाय्केगुलि बाध्य जुयो च्वंगु दः । विदेशय् ज्यासां वापिसं छ्वयोहःगु रेमिट्यान्सं दे या अर्थतन्त्र न्ह्याक च्वंपिसं थुकि हे न्हायँ तःपुक च्वंगु दः । विदेशय् ज्या साडः च्वंपुं अपलं मनूत सीडः अपलं मिसात विधवा जुल , मचात अनाथ जुल । धेबा कमेयाय्ता हवाइ जहाजय् फेतुड वांम्हा काय् सीडः बाकसय् देडः वसेलिं स्वय मफूयो छाती दायो ख्वयो मुच्छां जूपुं मांवापुं भीसं खाडः च्वडागु हे खः ।

श्व फुक्कया कारण पुँजीवादी राजनीतिक ब्यवस्था हे खः । पुँजीवादी ब्यवस्थाय् मानव अधिकार व स्वतन्त्रता तःमिपुं व पुँजीपति वर्गया नितिं जक जुई । गरिबया नितिं भ्वँतय् च्वयो तःगु आखः बाहेक छुं नं दैमखु । अमिसं मानव अधिकार छ्यलय् दैमखु ।

शिक्षा व स्वास्थ्य उपचार निःशुल्क, व्यक्तित्व विकासय् उथिंग्यंक अवसर, उत्पादनया साधनत सामाजिकीकरण याइगु व उथिंग्यंगु आर्थिक समानता दइगु समाजवादी राज्य ब्यवस्थाय् जक ज्या साडः नैपुं ज्यापु-ज्यामिपिसं धात्थेंखय्क मानव अधिकार काय् फै । उगु ब्यवस्थाय् जक ज्यासाडः नैपुं ज्यापु-ज्यामि वर्ग मानव अधिकार दिवस मानय् यागुया सार दै ।

पिकाक-ख्वप नगरपालिका/सम्पादक-आशाकुमार चिकंब्ज्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com



डयुधुगुगु स्वप पौ, बःछि पौ(पाक्षिक)

मानव जातिं थःगु अधिकार अःपुक कायो छ्यलय् दैगु व्यवस्था समाजवाद जक खः

- का.रोहित

(हानय् बहम्हा नेपाल मजदुर किसान पार्टीया नायो, वरिष्ठ राजनीतिज्ञ नारायणमान बिजुक्छेँ (का.रोहित) विद्यार्थी जीवनयनिसें सक्रिय राजनीतिक जीवन व्यतित याड भःम्हा व्यक्तित्व खः । नेपःया कम्युनिष्ट आन्दोलनय् प्रकाश स्तम्भ काथं म्हासिद्धक वयो च्वम्हा का.रोहित ज्यू अपलं साहित्य, च्वसु पाखं शोषित पीडित जनता तयता चेतना ब्यू ब्यू समाजवादया नितिं लापु क्यडः, संगठित याडः भायो च्वंगु खः । वैज्ञानिक समाजवादी आन्दोलनया नितिं ब्वनामि (विद्यार्थी) पिन्ता (मार्ग निर्देश) लापु क्यनय्गु काथं नेपाल क्रान्तिकारी विद्यार्थी संघया स्थापना दिवसया लसताय् का.रोहितजु नपां याडागु खँला बैल्हा-सं.)



ब्हयस : नेपाल क्रान्तिकारी विद्यार्थी संघया स्थापना दिवस नकतिनिजक डायकला । धात्थेँ राजनीतिया लागिं विद्यार्थी जीवन गुलि महत्त्व दः थै?

लिस : विद्यार्थी जीवनया अर्थ ब्वनय्कुथिया (पाठ्यपुस्तक) साफू तजक ब्वड सरकारी नोकरीया नितिं योग्य जुयगुया नितिं, थःगु निजी पेशाय् दकलय् बांलाम्हा जुयगु वा विदेशय् वाड थःगु जीवन व परिवारया बांलागु बन्दोबस्त यायता छियगु न्हापांगु पला खः दक घाय्गु मखु । विद्यार्थी जीवन विद्यालय व विश्व विद्यालयया शिक्षा, तालिम व विशेषतां छाय् पियगु सुअवसर नपां समाज व हलिमयया फुक्क मानव समाजया सुखद जीवनया सुनिश्चितताया संघर्ष व मेलमिलापय् छम्हा छम्हा मनूया योगदानता धात्थेँगु अर्थपूर्ण दय्केगु तस्कं थाकुगु संसारया न्यायाय्गु लुखाँ द्रहँ वानय् फःम्हा काथं योग्य मनू जुयगु अवसर काय्गु जीवनया ई खः ।

विद्यार्थी जीवनय् ब्वनिगु साफूत, वयागु व्यवहारत, वं छ्यःगु ई व फःगु दुःख कष्टया भोगाइत, वं न्यंगु अनेक खाँ खं वयागु जीवनय् ताई तक वा जीवकःछि हे लिचव लाडः वयाता त्वःमतःसिं जुई । थःगु जक ब्यक्तिगत (स्वार्थी) थः ता जक काथं छिनिगु, भिं जुइगु स्वयो अपलं लोभं भुंकः मेपिनिगु सम्पति

गथे याडथःगु याय्गु दक गिद्ध मिखांः स्वइगु अलय् खयकं मखयकं कानुनी वा गैरकानुनी धंगं न्ह्याथय् याडः सां मेपिनिगु सम्पति थमनं लाकः काय्गु मनय् तलकिं लुटेयाड अझ स्याड हे जूसां लाककाय्गु बानी ब्वलाड वइगु अलय् थःमनं याडागु न्ह्यागु ज्या जूसां लबजक स्वयो हाकु ब्यापार याड, नय ज्यूगु मज्यूगु ल्वाक छ्याडः नयगु नसा त्वँसा (खाद्यान्न) व वास या ब्यापारय् तहांगु अपराधत याई नपां सरकारया मू मू थासय् वाड तः तः हांगु पदय् च्वंसां कानुनया खुँ प्वालं अपराधता च्वछाय्गु ज्या याइगु जात-पात, नाता-गोता व क्षेत्रीय भावनाया चिच्यामनं पक्षपात, अपराध वा ज्यूगु मज्यूगु अनैतिक ज्यात यायता लिफःस्वइमखु ।

थौं या ई या ख्वः स्वयबलय् अजगु अपराधया जालय् तः क्यड च्वंपुं ल्यासे ल्याम्होपुं तःमिगु परिवारं वपुं अपलं खानय् दः । अलय् बांबांलागु व तस्कं थिकय् थिकय्गु ब्वनय्कुथिं ब्वडः वःपुं शिक्षित मनूत नं दः । मन्त्री, सचिव, डाइरेक्टर व चिच्याहांगु जिल्लास्तरया कार्यालयया हाकिम व कर्मचारीत नपां भ्रष्टाचारया मुद्दाय लाड च्वंगु दः । अख्तियार दुरुपयोगया काण्डय सजाय नयो च्वंगु दः । अपलं प्राविधिकत नं भ्रष्टाचार मुद्दाय लाड च्वंगु दः । नेगू प्यंगू नां चलय जूगु इञ्जिनियरिड्



डय्खगूगु स्वप पौ, बःछि पौ(पाक्षिक)

कलेजया तः तः हांगु पदय् चवडः चवंपुं मनूत व प्राध्यापक पिसं न्हँ न्हँगु अनुसन्धान व आविष्कार याय्गुलि स्वयो छु याःसा धेबा कमेयाय् फै धाय्गु मतिं ज्या साड चवंगु नपां डाक्टरतय्सं स्वयो अपलं धेबा कमेयाय् मःखाना जक कुल चवंगु खाँ बयबय जुयो चवंगु दः ।

विद्यार्थी जीवनया इलय् हे थजगु विकृतिता घृणा याकः, साहित्य अध्ययन याकय्गुलि ब्वनय्कृथिं मन क्वसायकः यंकय् बियफः सा लिपा वयो अपलं ब्वनामि विद्यार्थीपुं भ्नीगु देशय् जक मखु मेमेगु देशय् (अन्तर्राष्ट्रिय) नं स्वर्गया मिला थें थिइगु व नां चलय् जुइगुलि छुं हे शंका मरु ।

हलिमय विज्ञान, प्रविधि व आविष्कारयाड छ्यलय्गुलि सकल मानव जातिं अःपुक काइगु व छ्यलय् दैगु परिस्थिति ब्वलांकयता समाजवादी ब्यवस्थां जक याय् फै धाय्गु खाँ विद्यार्थी जीवनय् हे गंभीर अध्ययन याकय्गु आवश्यक जु । अजगु धात्थेंगु बांलागु खाँ त कानय फःसा 'कम्युनिष्टनां या पुँजीवादी राजनैतिक दल व 'समाजवादी' नांया पुँजीवादी जात, क्षेत्र, धर्म व भाय्या साम्प्रदायिक पुँजीवादी दलतय् नेतातय्सं न्हँगु पुस्ताता धेबा बियो थ्वँ, अय्ला (अमल) त्वंकः, त्वनय्गु बानी याकः ठेक्का व छात्रवृति वा तः तः हांगु पदया लोभ क्यड निर्वचनय् फसेयाय् फैमखु नपां न्हँगु पुस्ताता मखुगु, जालसाजी याड व ठगीखय् फसे याय् फै मखु ।

अथे जुगुलिं विद्यार्थी जीवनता स्वास्थ्य नपां फुक्क विकृति व बिसंगति नपां ल्वाय फःपुं वौद्धिक व नैतिक प्रेरणां सशस्त्र याय् फय्के मः । थुगु अर्थय् विद्यार्थी जीवन मनूया तस्कं महत्वपूर्ण स्वर्णिम ई नं खः ।

न्हयस : विद्यार्थी जीवनया स्कूलया साफूजक ब्वनय्गु, मेगु विषयया साफूत ब्वडः मन हिइक जुयगु मखु धाइपिन्ता नां जःपुं राजनैतिक ब्यक्तित्व पिनिगु उदाहरणत बियो स्पष्ट याड दिइला थें?

लिस : विद्यार्थी जीवनय् स्कूलय् ब्वकिगु साफूत जक ब्वड देश, विदेश, अलय् थौं व म्हेगया हिलवांगु ई या स्थिति नपां मथुइकः चवंपुं मनूत तस्कं हे एकसुरीया, यन्त्र मानव थजपुं छुं हे चिन्तन व सोच धाय्गु मरुपुं मनू थें जुई । विदेशया नेगू प्यंगू विश्वविद्यालयसं नेपःया तस्कं ग्यसुलापुं, अब्बल धःपुं, 'ट्यालेन्ट' धःपुं, होनाहार दक ल्ययो तःपुं मनूत बौद्धिक मखु दांपुं ज्यामि जुयो चवंगु दः । थजगु पहः मनूया दुर्भाग्य जक मखु थःगु देश व समाजया नितिं तहांगु द्यापं खः । क्षति खः ।

पुँजीवादी विश्व विद्यालयतय्सं शोषित तय्गु विरोधय् शासकपिनिगु पा लिडः दय्कः कुबिइकः तः गु मिखा मखांगु व

स्वार्थी शिक्षाखय् तः तः मतः क्यड लाँपु ताडः उखय् थुखय् मदय्क वाड चवंपुं लाँपु तांपुं मनूत थें एकसूरय् वाड चवंपुं मनू तय्ता बग्गीया सलाँ थें जक धाय्गु या । अथेनं गुलिं बैज्ञानिकत, चवमि, कवि-कलाकार व राजनैतिक नेतात विद्यालय व विश्व विद्यालय थाड तः गु अन्धविश्वासया पःखः तछ्याड उकिया चाकलं प्याहाँ वयो हज्याड चवंगु दः । पुलांगु विश्वविद्यालयत चर्चया पुलांगु बिचःलं प्याहाँ वय मफय्क कुंकः चवंगु थें जुयो च्वनि । उकिया विरुद्धय कपर्निकश (१४७३-१५४३), ज्योर्दानो ब्रुनो (१५४८-१६००) व ग्यालिलियो ग्यालिलि (१५७३-१६४२) सं (पृथ्वी) बँवारा गोचाला, पृथ्वी थःगु हे धुरीखय् चा चाहिल च्वनि अलय् पृथ्वी छ्यँया आकारय् सुर्यता चाहिली जक चर्च व पुलांगु बिचः मखुदक शंका याड मस्वगु जूसा थ्व संसार यक्वहे लिपा लाइगु जुई । थौं पुँजीवादी बिचः लिपालाड चवंगु व संसारया लाहातय् नियफःपुं खरबपति पिंता भिं जुइगु काथं जुयो चवंगु दः । धात्थें समाजवाद संसारया अपलं अपः बहुमत जनताया नितिं न्हँगु जीवन खः ।

डार्विन, मार्क्स, एंगेल्स, लेनिन, स्टालिन व माओत्सेतुड थजपुं वैज्ञानिक दार्शनिक व क्रान्तिकारी नेतापिसं संसारता हे न्हँगु तुइजला बियो धात्थेंखय्क ब्यवहारिक काथं हे शोषण मरुगु समाज व सकल जनताता सुखद जीवनया समाजवादी समाज निस्वानय्गुया लागिं सुनिश्चित याडः लुखाखली तक तय यंकःला ।

चाउ एन लाइ, थजपुं एशियाली नेतात विदेशय् भ्नायो थः थः गु देश व संसारया नितिं ब्वसेलापुं मनू जुयो उदाहरणीय जुयो क्यना । अथेहे होचिमिन्ह, अफ्रिकी देशय् करोडौं जनताया नितिं स्वाधीन व मुक्तिया लाँपु कियो यंकगु खः । वयक नेता पुं विदेशय् भ्नायो ब्वडः थःगु देश व एशिया व अफ्रिकी जनताया नितिं थः गु जीवन पाड छ्वता ।

लाटिन अमेरिकी देशय् बोलिमार व मार्टी थजपुं क्रान्तिकारी पिनिपाखं सयकः सिइकः थुइकः प्रेरित जुयो क्याष्ट्रो व चेग्वेभारा थजपुं क्रान्तिकारी पिसं क्यंगु मुक्तिया लायँ थौं भेनेजुयला, बोलिभिया, निकारागुवा थजगु दे त हज्याडः चवंगु दः ।

ताल्सताय, गोर्की, लु-शुन व रविन्द्र नाथ टैगोर चवमि, कवि व जोनरिड, अन्ना लावस स्ट्रड, एडगरस्नो व बर्चेट थजपुं पत्रकारपिसं संसारयाय् हे न्हँगु युगया साहित्य व कलाखय् जःति ताड बिला ।

न्हयस : छिं न्हयाल्ले धायोदी -सताय् तांपुं नेता तयके राजनीति शास्त्रया ज्ञान मरुगुलिं थौं देशं थजगु दुर्गति स्वयो च्वनय् माला दक थ गथे खः स्पष्ट याड दिइला थें?



उद्योगगु स्वप पौ, बःछि पौ(पाक्षिक)

लिस : राजनीति शास्त्रया ज्ञान मरुगु धायगुया अर्थ- 'निस्वार्थ' रुपं देश व जनताया भिं जुइगु ज्याखय् थः ता पायगु मति नुगलय् मरुगु व राजनैतिक व्यवस्थाया बारे दुयंगु बिचः व गम्भीर जानकारी मतः सें पद व धेबाया लागि थःगु पार्टी कार्यकर्ता व सरकारता छ्यलिगु ज्या याइपुं खः । थौं या नेकपाया ल्वापु सिद्धान्तया नितिं मखुसें एमाले व एमाओवादीया पाखय् छु गुलि धेबा वइगु खाँ मिलेयाडः पपु कन्स्ट्रक्सन व प्रचण्डया घरबेती वा मेमे पिन्ता ठेक्का वियगु अथे धायगु अरबौं तका दां प्रचण्ड समूहता बिइगु, सार्वजनिक जलविद्युत २० प्रतिशत निजी कम्पनी तयता बिइकय् बियो भारतनपां नेपःया जल विद्युत न्यायगु नामय प्रचण्ड समूहता ३ अरबतका दां मगागु, न्यायाधिश, राजदूत विश्वविद्यालयया उप-कुलपति, रेक्टर, रजिष्टार, संवैधानिक आयोगय् व मेमेगु तःतः हांगु पदय् ओली प्रचण्ड (माधव) नेपाली कांग्रेसया दशवी भागवण्डा मिलय मजगुलिं हे सरकारता ज्या सानय् हे मफैगु काथं विदेशं गवयो हःगु परिस्थिति खः दक बुद्धिजीवी समुदायलय् अपलं चर्चा जुयो च्वंगु दः ।

वालुवाटार प्रकरण, गृहयुद्धया इलयया हत्या-हिंसा व मेमेगु मुद्दा-मामिला मदयकः टुडुगे यायता थः थः पुं मन्तु 'अख्तियार' 'अदालत' व सेना, पुलिस, गुप्तचर विभाग व परराष्ट्र, अर्थ व उद्योग मन्त्रालयसं थः थः पुं मन्तु तयगु ज्या यागु धायगु राजनीति शास्त्रया सैद्धान्तिक विषय मखु बरु प्रशासनिक विषय खः ।

शासक दलया नेतात धाथें खयक : राजनीति शास्त्रया ज्ञान दःपुं खःसा थजगु पञ्चायती व कांग्रेस शैलीया ल्वापु मजुइगु जुई । बांलागु ज्या यागु जुसा विदेशीपिनिपुं आउरे बाउरेत नपां ग्याय् मःगु छुं हे मदय मःगु खः ।

न्हयस : "मनु सामाजिक प्राणी नपां राजनीतिक प्राणी नं स्वः ।" धायगु खाँ मथुयो विद्यार्थीपिसं राजनीतिक रचना व साफूत बनिमस्वु । धाथें विद्यार्थीपिसं छु छु साफूत बंसा बांलाइ? साफूया नां नं धायो दी लाथे?

लिस : अः विश्व विद्यालय दुनयें दर्शनशास्त्र, राजनीति शास्त्र, अर्थशास्त्र, भूगोल व इतिहास थजगु विषय ब्वनिपुं ब्वनामिपुं तस्कं हे म्हवँ । अभ्र मरु हे धःसां मपा । छात्रवृति बियो जूसां थजगु विषय ब्वनयता उत्साहित याय् मःगु खः । विश्व विद्यालयया शिक्षा, पाठ्यक्रम, पाठ्यपुस्तक व दीक्षा नपां ब्यापारी पिनिगु भिं जुइगु काथं वा ब्यापारी तयसं हे दय्कगु दक धायो च्वंगु दः । विदेशय् विद्यार्थीपिन्ता मियगु वस्तु थें याइगु विश्व विद्यालय कारखाना, राष्ट्रघाटी व विदेशी मुद्रां मिइपुं सरकार वहराष्ट्रिय कम्पनी तयपुं छम्हा दुज खः । नेपः दे न्हपा 'दरवान'

कुल्ली व च्यो-भ्वातिं, पियन तयगु दे, गोर्खाली वा अमेरिकी सं.रा अमेरिकाया संयुक्त राष्ट्रसंघया प्रतिनिधि, मोडियानया धापु काथं 'भाडाको सिपाहीको देश' अः वयो शारीरिक श्रम व वौद्धिक ज्यामि पिता छ्वइगु देश जुय धुकल ।

थथे स्वय बलय् सरकार व विश्व विद्यालय अन्तर्राष्ट्रिय ब्यापारी तयगु जालय् लाड च्वंगु दः । अथे जूगुलिं विश्व विद्यालय तयसं राजनीतिशास्त्र, अर्थशास्त्र, भूगोल, इतिहास व दर्शन शास्त्र थजगु विषयता ब्वंकयगुलि प्राथमिकता मब्यगुलि ब्वनामिपिसं देशया राजनीति पाखं ताः ताः पाक वाड च्वंगु खः । गुकिं शासक वर्गता म्हा हे याउंसे च्वड च्वंगु दः ।

भूगोल, विश्व इतिहास, दर्शन शास्त्र अर्थशास्त्र व राजनीतिशास्त्र थजगु विषय अध्ययन याय् धुकः मार्क्सवादी साहित्यत ब्वंसा जक पुँजीवादी साहित्यता आलोचनात्मक ढंगं थुइकी । गुकिं पुँजी वादी दृष्टिकोणं तापाक्क न्हूंगु पुस्ताता म्वाकः तै । ल्यंक तै ।

न्हयस : अः या पुँजीवादी व्यवस्थाय् दां सां द्यो सां विदेश पाखय् मिखा ब्वयो च्वंपु ब्वनामित अपलं खानय् दयो वःगु तथ्यांक क्यड च्वंगु दः । अजपुं ब्वनामिपिन्ता राजनीतिक रुपं सचेत याड छप्पा छधि याड संगठित यायता छु याय मालि ? लांपु क्यड दी ला थें ?

लिस : विदेशय् ब्वनिपुं ब्वनामिपिन्ता आनाया हावापानीं लिचव लाकगु क्यड च्वंगु दः । जर्ज फ्लयुडया काण्डं नेपाली ब्वनामिपिसं 'म्हगसया देश' उथलपुथलगु देश काथं थुइक च्वंगु दः । पश्चिमि देया समृद्धी हाकुपुं (अश्वेत) पिनिगु हिं चःति दयकगु दे खः । आनाया छपा-छपा अपा, छगः छगः ल्वहँ व ध्याछ ध्याछ धेबाखय् तक अमिगु पुस्ताया हि चः ति किड च्वंगु दः । अमेरिकी स्वतन्त्रता आन्दोलन छगू साम्राज्यवादी विरोधी स्वतन्त्रता आन्दोलन खः । अथे हे मई १ या आन्दोलन नं ब्रुलुहँ पश्चिमी देशय् नं समाजवादी आन्दोलनया हावां कक वयो च्वंगुलि नेपःमि पिन्ता नं उगु हावां पक्का हे ग्वाकी ।

न्हयस : दकलय् लिपा छुं धायगु ल्यं दनिला थें?

लिस : छम्हा अंग्रेजी कविं धायो दयथें पूर्वया इयो खापा तिड तःसां पश्चिमया इयो-लुखा कःपिं कःपिं तुइजला द्रहँ वई , अमेरिकी स्वतन्त्रता आन्दोलनय विदेशी प्रजातन्त्रवादीतयसं नं ग्वाहाली यागु खःसा अः हकनं अमेरिकाया समाजवादी आन्दोलनता यूरोप, अश्वेत, हिस्पानियाली व आदिवासीत फुक्क छगू हे नामं खानय् दै तिनि ।



छसिकाथं ब्वनय्कुथि चाय्क यंकेगु कुतः

(कोरोना भव्लवचं हलिमय संक्रमित यासेलिं नेपः दे नं उकिं मथिइक च्वनय् मफूत । बुलुहुँ स्वनिगः नपां ख्वप दे नं कोरोनाया मारय् लासेलिं नेपःया सरकारं लकडाउन, निषेधाज्ञा नपां ब्वनय्कुथि नं ताःई निसें चाय्के मब्यूसें तिक तल । ०७७ पौष १ गते निसें ख्वप नगरपालिकां ब्वनय्कुथि छसिकाथं चाय्केगु निर्णय यासेलिं थुगु विषय केन्दित जुयो ख्वप नगरपालिकाया प्रमुख सुनिल प्रजापति जु नपां याडागु खँलाबँला-सं)

न्हयस : कोभिड भव्लवच भन अप्तयो च्वंगु खाँ तथ्याइक वयड च्वंगु दः । स्वप नगरपालिकां ०७७ पुस १ गते निसें ब्वनय् कुथित चाय्केगु निर्णययात । चिकुलाया बिदा बियगु इलय् थजगु निर्णय गुकाथं पाय्छि जुइ थें ? स्पष्ट याड दीलाथें ?

लिस : ता ई निसें ब्वनय्कुथित तिड तःगु दः । नेपःया सरकार शिक्षा मन्त्रालयं विद्यालय पुनः सञ्चालन कार्यविधि दयक परिस्थिति स्वयो ब्वनय्कुथित चाय्केगु अधिकार स्थानीय तहता बिल । ख्वप नगरपालिकां सामुदायिक व संस्थागत ब्वनय् कुथिया प्रतिनिधिपुं, अभिभावक संघ, शिक्षक-शिक्षिका व ब्वनामिपुं नपां पटक पटक छलफल याड सल्लाहत काया । वयकपिसं ब्यूगु सुभावनतानं बिचः याड पौष महिनायनिसें च्यागु, गुगु व हिगु तगिया कक्षात चाय्के वियगु कुतः याडागु खः । पालं पः, सुथाय-न्हिनयं गथे याड कक्षा न्ह्याकिगु खः उगु खाँ ब्वनय् कुथि चाय्कि पिन्के वयक पिनिगु ज्या इवः मागय् याडागु दः । अनलाइन पाखं न्ह्याकः च्वंगु कक्षात मदिकसिं न्ह्याकयतुं बियो अनलाइनया क्षमता मरुपुं ब्वनय्कुथि व ब्वनामिपिन्ता नं ब्वनय् खांकः दुथ्याकेगु, छसिकाथं ब्वनय्कुथि चाय्के बियगु जिमिगु तयारी खः । ब्वनय्कुथिं स्वास्थ्य मापदण्ड काथं सुरक्षाया बांलागु व्यवस्था धःसा मयासिं मगाः । नगरपालिकां उकि याय्गु अनुगमन धःसा याडं तुं च्वनि । चिकुगु ई याता बिचः याड हे च्वयया तगिया कक्षा जक चाय्के बियगु जक नगर समितिं निर्णय यागु खः ।

न्हयस : शिक्षा व स्वास्थ्यता दकलय् हः नयं तयो हज्याड च्वंगु स्वप नगरपालिकां थुगु शैक्षिक वर्षता गथे हङ्ग्यायगु मति याडः दियाथें ?

लिस : थुगु शैक्षिक वर्षया च्यालातक ब्वनय्कुथि



नगर प्रमुख प्रजापति

तिड तः गुलिं च्याला अथे हे फूय धुंकल । अः नं परीक्षा व ब्वनय्कुथि मचाय्कसा छगू शैक्षिक वर्ष हे सितिं वानय् फः । शैक्षिक वर्ष सितिंमवांक स्वाड यंक छ्यलयता, ब्वनय्कुथि व अभिभावक पिनिगु सल्लाह काथं हे जिमिसं ज्या हङ्ग्याड च्वडागु खः ।

न्हयस : ब्वनय् कुथिइहे ब्वनामिपुं सःतः ब्वनय्कुथित चाय्केता छु गथे स्वास्थ्य मापदण्डया व्यवस्था याड च्वडागु दः थें?

लिस : सामुदायिक व संस्थागत ब्वनय्कुथिया संघया प्रतिनिधिपुं, ब्वनामिपुं व अभिभावक प्रतिनिधिपिसं नं थुगु विषय अपलं चासो तयो न्यडः च्वंगु जुल । जिपुं नागरिकपिनिगु स्वास्थ्य प्रति तस्कं हे सचेत जुयो हज्याड च्वडापुं खः । जिपुं स्वास्थ्यमापदण्डता कडा याडः पालना याड हे हज्याय् ।

न्हयस : ब्वनय्कुथि चाय्कय बियधुंक नगरपालिकां अनुगमन गथेयाड याय्गु ज्याइवः हङ्ग्याड तयागु दः थें?

लिस : नगरपालिका अन्तरगत नगरशिक्षा शाखा दः । उगु शाखां मः काथंया जनशक्ति छ्यलः ब्वनय्कुथि वाड स्वः वानि । अथे अनुगमन याड स्वयबलय् छुं मचः मगागु दत धःसा मथां हे ल्हवड भिंक वानय्गुलि नगरपालिका लिपा लाइ मखु ।



उद्योग स्वप पौ, बःछि पौ(पाक्षिक)

न्ह्यस : थुगु कोरोना भवत्वयया ग्यापुगु इलय नं ब्वनयकुथित चायके वियो उगु ल्वय पुनः धःसा छु गजगु ब्यवस्था याड च्वागु दः थै?

लिस : थ्व तस्कं महत्वपूर्ण न्ह्यसः खः । कोभिड १९ भवत्वय नपां मपुंकः मथिइक गथे म्वाय्मः दक भी म्वाय् सय्क च्वडा । च्याला-गुलानिसें ब्वनयकुथित (विद्यालय-कलेज) तिडःतःगु दः । थुगु ल्वचं संक्रमित याय् फःगु थी थी खाँ ज्यायाता बिचः याडः ब्वनयकुथित तिड तःगु खः । छुं नं ब्वनयकुथि अजपुं संक्रमितपुं खानय् दत धःसा गुलितक (आंसिक) वा ग्वःन्हुतक(पूर्णा) ब्वनयकुथि तियगु धाय्गु खाँ विद्यालय ब्यवस्थापन समिति व नगरपालिकां स्वयो निर्णय याई ।

न्ह्यस : स्वप नगरपालिकां ब्वनय कुथिया लागिं दाच्छिया ज्या इतः दय्कः पिथानय नपां धुंगु इलय ब्वनय कुथि चायकेगु नपां थी थी कासा. तालिम अः गथे न्ह्याकेगु योजना दः थै ?

लिस : छुं नं ज्या बिचः मयासैं फुक्क छकलं याय्गु थजगु इलय तातुताड जोखिम सःत कु ब्यू ब्यू वानय्गु थैं जुई । भीसं छसिकाथं भीगु जीवनता अः पुइगु काथं सामान्यीकरण यायां यंकेगु काथं हज्याड च्वडागु खः । उकिं थी थी कासाया धिंधिबल्ला, तालिमत अः न्ह्याकेगु बुद्धिमानी मखु ।

न्ह्यस : नगरपालिकां स्थानीय पाठ्यक्रम "स्वपको पहिचान" छगु नेगु स्तंगु व खू न्हयगु च्यागु तगिंया लागिं पिता बिय धुंसेलिं अः गथेयाड ब्वकय बियगु ज्या इतः दः थै?

लिस : अः तक पिब्वय धुंगु स्थानीय पाठ्यक्रम फुक्क ब्वनय कुथि थ्यंकय् धुंगु दः । ब्वनयकुथि याय्पिसं थः ता काथं छिं थैं याडः स्थानीय पाठ्यक्रम नं ब्वंक च्वंगु दः । उकिता मदिव्क न्ह्याकः यंक ल्यं दःगु तगिनय् नं मदिव्क ब्वंकय् वियगु ब्यवस्था याइ । स्वप नगरपालिकां पाठ्यक्रमया लिधंसाय् ब्वंकय् अःपुकय्ता 'स्थानीय पाठ्यक्रम सन्दर्भ सामग्री' नं दय्कः फुक्क ब्वनय कुथि इड नं बिय धुंकल ।

न्ह्यस : नगरपालिकां ब्वनय कुथि चायके धुंकः नगर शिक्षा समितिया नायो जुगुया नातां ब्वनामि, अभिभावक व शिक्षक-शिक्षिकापिन्ता छु सुभात बियो दी थै ?

लिस : भी तस्कं चुनौतीपूर्ण इलय च्वड च्वडा । कोरोना ल्वय छुं हे मखु सामान्य जक खः धाय् मज्यू । थ्व ग्यापुगु ल्वय खः । अथेधायो न्ह्याब्लैं उगु ल्वय नपां ग्याडः बिसे जक वाडा नं जीवन न्ह्याई मखु । कोरोना भवत्वचं

सार्वभौम देशे विस्तारवादी तय्गु ताण्डब

हाकु पतासी सिना प्याखं ल्हयः भिभि धयाः च्वना भि पासा अवसरवादी तय्सं थःथः ल्वाकः छ्यापं कयोः च्वन तक्वा तपुली पुयाः कोफेनं फिना थगु संस्कृति माका भि पासा विस्तारवादी तय्सं थगु कुजातं भिता तपुया च्वन

तेत्तीस कोटी द्योः पुजा याना बर फवना च्वना भि पासा महाकाली खुसी, कालापानी, लिम्पियाधुरा, लिपुलेक अमिसं खुयाःयना लाखे प्याखं, कवं प्याखं, खिं नापं लय् लय् तयाः च्वना भि पासा ख्वकना, बुङ्गमती, फाष्ट ट्राक करिडोर कर्णामय जात्रा च्याना च्वन

तैं थागु सिस्स्या भुच्छया थाय्गु यःप्व न्हाइपु भि पासा भंगेरी डाँडा, तगो दम्फो साने मफु ल्वचं देनाः च्वना बासुरीबाजा, लालाखिं सः न्ह्यपं यंसेचवं भि पासा

सुर्य विनायक वंनिगु लँपुई स्वंगु फल्चा न्हांक छ्वत भि पासा गुणराज हिति फल्चा थुना कमिशन नयाः च्वन जलाखाला भारतं प्रतिनिधि भि थाय् वई स्वः भि पासा नेपः माया छाती तराई, फायगु सल्लाह बल्लाह खय् ठ्याक च्वन

श्याम कृष्ण खत्री

भ.न.पा.-१

मपुंकः सुरक्षित काथं थःगु न्हिज्या न्ह्याकय् माल च्वंगु थौं या बाध्यात्मक ई खः । अथेजगुलिं थः काय् म्हाय्पिन्ता ब्वनयकुथि आखः ब्वंकय् छोय् बल्य् ब्वनय कुथिसं स्वास्थ्य मापदण्ड काथं तयो ब्वंकगु खः मखु स्वयो जक ब्वंकय् छोइ धाय्गु आशा याडा ।

न्ह्यस : छुं धाय्गु ल्यं दः निला थै?

लिस : नगरबासी दाजुकिजा तताकेहैं पुं थुगु कोरोना भवत्वय ता ई तक नं दयो च्वनि ख्वः व गुलिं उगु ल्वचं मथिइकः मपुंक बिचः याड जुयता स्वास्थ्य मापदण्ड पालना याडः जक थःथगु ज्याखय् वानय्ता इनाप याय् । भीगु चिच्याहंगु छगु द्रुगुपलां लिपा तःसिकद्व भःपियो च्वनय् मालि । इलय् हे बिचः याय्नु ।

कृषि मन्त्री जू याता छपा खुल्ला पौ

- विवेक

माननीय कृषि मन्त्री जू,
ज्वज्वलपा

यक्वलिपा छिता थव पौ च्वयो च्वडाः । छि नपां २०४५ सालय् भद्रगोल जेलय् नपां च्वडा बलय् देया राजनैतिक विषय जुइगु छलफल व फुर्सदया इलय् चौरय् च्वडः न्हिया न्हिथं धाय्थें भलिबल म्हेतेगु उगु ई या खाँ सायद छिं नं लुमांकनि जुई । उगु इलय् भी पञ्चायती व्यवस्थाया विरुद्धय ल्वाड च्वडागु खः । उगुइलय् छिं विद्यार्थी नेता काथं थः ता म्हासिइकय् धुंकगु खः ।

ई स्वीदा पुलय धुंकगु जुल । छि माले, एमाले जुजुं नेकपाया केन्द्रीय दुजः व अः कृषिमन्त्री जुयो दिय धुंकल । छि मन्त्री जुय हौं व मन्त्री जुय धुंकः याड द्यूगु भाषण व दर्शनया बारे च्वयो द्यूगु च्वसुया भावना व छिगु ब्यवहार पाड वगु जिं स्वयो च्वडा । नपां जि थजपुं करोडौं जनतां छिता स्वयो च्वंगु दै । छिगु चर्को चर्कोगु भाषण न्यनयबलय् च्वसुत ब्वनय बलय् मनय वानिगु -नेकपा दुनयनं सैद्धान्तिक बहस याइपुं नेम्हापेम्हा नेतात बाकी दःनि जक । व न्हँगु पुस्ताया नेता तय्सं जनताया बहुदलीय जनवादया नामयँ नेकपाता पुँजीवादया फोहरगु सः गालय् मफिसें थाकाइगु मति दःगु खः । नेकपा दुनयँ च्वड हे समाजवादी क्रान्तिया सः थवयकः च्वनि । अथेमखु खनिं । 'वयां जिगु भ्रमजक जुयो च्वना ।'

कामरेड जू,

छिं थव ब्यवस्थाता दलाल पुँजीवादया नां छुकः भीगु थजगु देशय् दलाल पुँजीवादं पार्टीत थःगु लाहातय् म्हुछिड तैगु, समाजवादी पार्टी समाजवादता हे बिस्कं तय यंकिगु सम्भावना न्ह्याब्लें दयो च्वनि दक छिं च्वयो द्यूगु जिकय् अः नं लुमांसे वनि । छि अः केपी ओलिया मन्त्रीमण्डलय् कृषि मन्त्रीया भाला कुबियो च्वड द्यूगु जुल । ७० प्रतिशत स्वयो अपः जनतात बुँया भरय् म्वाड च्वनय् मःगु भीगुकृषि प्रधान देशय् कृषिमन्त्रीया जिम्मेवारी व कर्तव्यया खाँ जिं छिता काड च्वनयँ माली मखु ज्वी । धात्थें छाती लाहातयो इमान्दारीपूर्वक धायोदिसँ सा छिं छु धात्थें छिगु जिम्मेवारी पू वांकःच्वडागु दः लाथें ? समाजवादउन्मुख ब्यवहार याड च्वडा गु दः लाथें ? थव पौखय् बुँज्या (कृषि) या बारे हे दुतिड छुं छुं खाँ च्वयगु कुतः याड च्वडा ।

कृषि प्रधान देशय् सः व नाः छुयगु सिंचाइया महत्व जिं धाय् मालि मखु ज्वी । अथेनं नेपालय् न देशी सः कारखाना चाय्केगु छुं कुतः हे जूगु दः, न नाः छुडउत्पादन अप्वयकेता

सिंचाइया बांलागु ब्यवस्था हे दः । २०७५/७६ सालया बजेटय् देसी सः कारखाना भीगु देशय् हे चाय्केगु खाँ न्हिथाड तःगु दः । अः उकिता सुनं हे लुमांक स्वयगु कुतः तकनं मया । थुगुसी देसी सः या लागिं जक रु. ११ अर्ब अनुदानया व्यवस्था यागु दः । देया लागिं ११ अर्ब उलि तः धांगु खाँ मखु । वांगु हिदा दुनय् देशय् १ खर्ब २८ अर्बया सः न्याडः हःगु ल्या चा पिब्वयो तःगु दः । ८/१० दाँ या अनुदानया दां जक तःसा भीगु देशय् हे देसी सः कारखाना चाय्के फः । थव खाँ कृषि मन्त्री पिसं ध्यान बियो च्वंगु मरु ।

वापिय बलय् ह्वलयमःगु सः वालयानं मरुसेलिं वा गुलि म्ह्वचा जक सैगु जुई । छिं थमनं हे धाय् फःगु खाँ खः । इलय् हे सः मरुगुलिं कृषिखय् लाय तयगु फि खय् नाः तयगु थें जुयो च्वंगु सकसिनं खाँगु हे जुल । थौं स्वयो १५/१६ दा हौं जाकी मेगु देशय् निर्यात याइगु भीगु देशं थौं लच्छीया अबौं तकाया जाकी न्याड दुता हयमःगु दे काथं सुनं याता ? थुकी या दोषी सु ? छिं गुब्लें बिचः याड दियाला ?

छिं थःगु कमजोरी तपुयता खःगु मखुगु कुतर्कत नं पिब्वयो च्वंगु दः । छगू नपालायगु इवलय् छिं धायो द्यूगु जि लुमांसे वः । 'नेगू प्यंगू सहकारी तय्सं देसी सः हाकु ब्यापार याड खुयो खुयो मिला । देसी सः बुईं जक छ्यलच्वंगु मरु । अयला काइगु, प्लाइ दयकिगु, रेजिन व रड्ग रोगन याइगु उद्योगं दुरुपयोग याड च्वना । जियां निराश जुय धुन । 'मन्त्री ज्यू समाजय फुक्क भिं पुं बांलापुं मनु त दक दै मखु । सुं सुं खराब पुं मभिंपुं मनुत वा संस्थातय्सं छिं धायो द्यूथें छुं भाति सः या दुरुपयोग यागु नं जुय फः । छिता अथे याइपिन्ता अनुगमन याय्गु कार्वाही याय्गु पूर्ण अधिकार नं दः । अलय् छिं थें निराशपुं मन्त्री नपां जनतां छु आशा याई थें ?

जनतात सःया लागिं लिभालय् क्वय्कः, बेहोस जुइकः, क्व पाथें पाडः च्वंबलय् छिं हे धायोदियागु मखुला ? अः बड्गलादेशं ५ लाख टन सः न्याडः हयगु सहमति जुल, अः सः या समस्या मथां हे ज्यनि दक । सोभापुं जनतात अः तक छिगु विश्वासय् सुंक च्वड च्वनातिनि । उगु सहमति अः तक छाय् कार्यान्वयन मजुला ? न्यनय दः बड्गलादेशं अः सः बियता तयार मजु । सायद उकिं हे जुई अः मन्त्रीपरिषदं सरकार-सरकार वा प्रतिस्पर्धा हयगु निर्णय यागु । नेगु सरकारया दथवी सहमति याडः सः हयगु दक धःसा छु पाई ? खुल्ला प्रतिस्पर्धा धायो सुयाता लय् ताय्के तांगु



ड्यूधगुगु स्वप पौ, बःछि पौ(पाक्षिक)

खः ? प्रस्ट जू, छि न्हयाब्लें छ्यल च्वंगु वहे दलाल पुँजीपति वर्गता ।

पञ्चायत काल व उकिलिपाया दिनयँ थापा सिकं सः या हाहाकार सायद गुब्लें हे मजु ज्वी । छु छि थुकियाबारे गुब्लें छक लिफः स्वयो समीक्षा याड दियाला ? सरकारनपां सः ह्यो बिया दकः कबुल याम्हा शैलुडग व होनिका कम्पनी इलय हे सः ह्यो मबिल । कृषि सामग्री कम्पनी अमिगु थ्यं मथ्यं डागू डागू करोड दां या धरौती जफत यायगु निर्णय याता । वहे खाँ छिकपिसं तः हांगु हे कार्वाही याडागु थें च्वंक बय बय याड हः जुला ।

धात्थें धायगु खःसा अमिसं यागु अपराधया हः नयँ व तस्कं हे म्हवँ जक सजाय खः । ५० हजार मेट्रिक टन सः इलय हे ह्य मफःगुलिं देशां देछिया बँ ई सगु अन्न म्हवँ जुयो अबौतका दां क्षति जूल । उकिया क्षतिपूर्ति पुडुकय् मःगु मखुला ?

सः गथेयाड ह्यगु धायगु फिटिकक हे ज्ञान मरुपुं शैलुड व होनिका कम्पनीया ठेकेदार पुं नेगू तं देश्य बदनाम पुं कम्पनी त खः । उगु कम्पनी यायपिन्ता ल्ययो ल्ययो सः ठेकाया स्वीकृत ब्यगु खाँ थुडके थाकु । थुगुसी न्हापाया बर्ष्य सः हइपुं १३ गू अन्तर्राष्ट्रिय कम्पनी तयसं टेण्डर हे मतः । देश्य दुनय ह्यैगु सःखय स्वदेशीता १.५ प्रतिशत व विदेशीता ५ प्रतिशत कर काकयगु नीति छगू हनिं हे विदेशी कम्पनी सः या टेण्डर मतःगु खाँ न्यनय दः । सः ह्यगु ठेकानं थःगु लाहातय लाकयगु छिता



सल्लाह ब्यपुं पक्का नं छिम्हा पार्टीया नायो प्रचण्ड या घरपति शारदा प्रसाद अधिकारी थजपुं ठेकेदारपुं जुयमः । नत्र करखय छाय पाकय माला धायगु खाँ प्रस्ट यायमः । बांलागु ज्या मेपिनी पाखं नं सयके ज्यु । बङ्गलादेश थः ता मःगु सः ३३ प्रतिशत जक दयकी । अथेनं आना सरकारं गुब्लें सःया अभाव जुडुकय मब्यु । छाय धःसा वं थ्यंमथ्यं दाच्छीता मःगु सः गोदाम्य भण्डार याड तै । अथे हे भारतं थः ता मःगु सःया २५ प्रतिशत जक उत्पादन याई । वाता मःगु सः खुला तकया लागिं मः क्व स्वथाड तै । छु भ्नीसं थःगु देश्य सः कारखाना मचायक तलय

बङ्गलादेश व भारतं थें म्हवचानं खुलाया लागिं मःक्व सः स्वथाड तयमः वा फःसा दाच्छीता मःक्व सः स्वथाड तयगुलि बिचः याय म्वँला ? बांलागु ज्या न्हयाथाय नं सयक सां छु जुला ?

अभ्र धायगु खःसा साल्ट ट्रेडिडता ३० प्रतिशत जक सः ह्यगु जिम्मा बियो तःगू दःसा कृषि सामग्री कम्पनी ७० प्रतिशत , ३० प्रतिशत हइम्हा साल्ट ट्रेडिडं सः ह्य धुंकल गना सरकारी स्वामित्वखय दःगु कृषि सामग्री कम्पनी अः तक सः ह्य फःगु मरुनि । मन्त्रीज्यु छि सः ह्यता थवन्हू बिइतिनि व न्हू बिइतिनी धायगु स्वयो सः ह्यो देश्य उत्पादन बढे यायगुलि बः ब्यसा बांलाई । कृषिखय थःगु तुतिखय थमनं दाडः आत्मनिर्भर जुयगु खःसा थःगु देश्य हे सः कारखाना चायकेगु बाहेक मेगु उपाय मरु । धायगु खायँ छिगु ध्यान पक्कानं वानि धायगु आशा याय ।

चैत्र बैशाख महिनायँ भारतय न्हिँया न्हिँथं कोरोनाया ल्वगित अप्वयो वसेलिं सीय हे मःसेलिं थःगु देश्य हे सीयदक सीमानाकां जबर जस्ती द्वहँ वपुं नेपः मि पिनिगु किपा छिं खां हे जुई । व खाँ किपालु थें मिखा हनय वयो च्वंगु दयमः । अः बुँयायता सः मरु, फुक्क बँ बाँभ्र जुल । नयता अन्नमरु । सानयता ज्या छुं मरु । पित्याड सीयगु पलि ल्वय नपां ल्वाड सीयगु दक न्हिं सलंसः नेपः मि पुं पश्चिमाञ्चलया सीमा नाका पुलः भारतय वाड च्वपिनिगु कणाचायपुगु ख्वालं छिता भ्या भाति हे तुगः मछिं मजु ।

मन्त्री ज्यु छिगु बोलीता मखु (ब्यवहार) ज्या स्वयो जनतां ल्य ज्या याई । छिनपां नपालाडागु इलय पुँजीवादी ब्यवस्थाय मन्त्री जुयगु, भाषणयायगु व च्वसु च्वयगु थें अःपु मजु जुई, मखुला ? दक न्हयसः या बलय छिगु ख्वालय च्वः ति वगु सुनं मखांगु दःजक ? उकियां छिं मखांक च्वःति ह्यता खाँ त्वाल्हाड मेगु नं ज्या दः दक ब्वक ब्वक दाड वांगु । देशां देछीया करोडौं किसान तयगु समस्या स्वयो कृषि मन्त्रीया मेगु छु तहांगु ज्या जुला ? दक छिकय न्यनयमः सि वगु खः । अलय शिष्टताया कारणं जिं म्हतुप्वः तिड च्वडा । खः सामान्य नागरिकया लागिं ई उलि महत्वपूर्ण मजुसां छिथें जःपुं मन्त्री पिन्ता ई धात्थें हे महत्वपूर्ण ज्वी । व खाँ जिमिसं नं थुया । धात्थेंगु खाँ यां छु न्हापा लाक स्वयगु, प्राथमिकताखय तयगु धायगु खाँ खः । सायद जिमिगु छुं न्हयसखं याड छि न्हयो मवला जुयमः । धाइगु खाँ दःनि - 'सत्य तस्कं खाइसे च्वनि । अथेनं सत्य गुब्लें कोदली मखु, अपुं गुब्ले कपः क्वछुड ग्याड नं जुइ मखु । छिम्हा पुलांम्हा छिगु भिं जुइगु म्हुइम्हाँ पासाया नातां थव न्हयसः पौ च्वयो च्वडागु खः ।

पौ ताः हाक जुल । थौं याता थुलि हे धायो बाय । इलं धःसा लिपाया इलय हकनं हकनं च्वयगु कुतः याय ।

छिम्हा वहे पुलांम्हा पासा, सुमन



खँल्हाबल्हा

ख्वप-पौया खँल्हाबँल्हासं वडा नं. ६ या वडाध्यक्ष डा. हरिराम सुवालजुं बियो द्यूगू अन्तरवार्ता



वडा नं. ६ वडाध्यक्ष डा. हरिराम सुवाल

ख्वप नगरपालिकाया फुक्क वडात ख्वप नगरपालिकाया निर्देशन काथं विकास निर्माण व सम्पदा संरक्षण नपां जनताया समस्या जनताया छँ हःने थ्यंक वाड समाधान याड च्वंगु नपां सेवा याड च्वंगु खाँया प्रशंसा थाय् थासं याड च्वंगु सकसिनं स्यू । उकियाता पुष्टियायूगू काथं जनप्रतिनिधि पिनि पाखं थःथःगु वडाया ज्या नपां वडा म्हासिइकेगु काथं वडाध्यक्ष जु पुं नपां याडागु खँल्हाबँल्हा मध्ये वडा नं. ६ या वडाध्यक्ष डा. हरिराम सुवाल जु नपाया खँल्हाबल्हा -

न्ह्यस : छिगु वडा व छिगु म्हासिका बियो दिइला थै ?

लिस : जि डा. हरिराम सुवाल, ख्वप नगरपालिका वडा नं. ६ या वडाध्यक्ष, जि वहे वडाया चोछँ त्वाल्य च्वनयूगु खः । जि ख्वप नगरपालिकाय् नेपाल मजदुर किसान पार्टी पाखं त्याकः वयाम्हा वडाध्यक्ष खः । साविक वडा नं. ५ व वडा नं. ९ मिल्य् याड अः वडा नं ६ जूगु खः ।

थुगु वडाय् अः थ्यं मथ्यं (१०८२) गुट्ट व चयनेम्हा

मनूत (जनसंख्या) दःसा उकि मध्ये (४४८९) प्यट्ट व प्यस व चय् छम्हा मिजंत, ४६०९ प्यट्ट व खुस व छम्हा मिसात दः । उकि मध्ये सच्छी खय् पीब्व वडाबासी पुं मेमेगु वडा व नगरपालिका व मेमेगु जिल्लां वयो च्वड च्वंपुं दः ।

थुगु वडाया उत्तर पाखय् चांगु नारायण नगरपालिका, दक्षिणपाखय् वडा नं ५ व ७ लाः सा पूर्वपाखय् वडा नं. १० व पक्षिम पाखय् वडा नं. २ ला । थुगु वडाया सच्छीखय् गुइन्हय्ब्व जनतात शिक्षित दः । थुगु वडाया मुक्कं क्षेत्रफल ०.३४९८ वर्ग कि.मि. दः । थुगु वडाया मू मू थाय्त् भोलाछँ, चोछँ, लालाछँ, तुछिमला, ब्यासी, देकोचा, लिंगाचा, मुलाछँ, बखुमला, दुगुमला, कुथुमला, थालाछँ, महाकालीया पिगं, दामलाचा, कासन, वन्टी नपांया थी थी थाय्त् खः । थानाया घरधुरी (१०५२) द्रुछि व ड्यनेखा दः । थानाया अपलं मनूत हिन्दू धर्म मानय याइपुं दःसा छुं छुं बौद्ध व क्रिश्चियन धर्म मानय याइपुं नं दः । थाना फुक्क धाय्थें मनू तय्गु मां भाय् नेवः भाय् जूगुलि अपलं मनूतय्सं नेपाल भाषा हे ल्हाईसा छुं भाति खय् (नेपाली) भाय् ल्हाइपुं नं दः । थुगु वडाया अपलं नेवः त दःसां क्षेत्री, दलित(मेगु जातिया) व सायँसामित नं च्वडः च्वंगु दः ।

न्ह्यस : थुगु वडाया छु छु सम्पदा त दः थै?

लिस : थुगु वडाया छुमः गणेद्योया देगः, छुमः गणेद्योया द्यो छँ, छुमः गणेद्योया भण्ड छँ, टेराकोटा इयो, याछँ देगः लालाछँ देगः, महाकाली पीठ, अरिंहिति, अँचापुखु (मत्स्यनारायण) भोलाछँ पुखु, महाकाली द्यो छँ, भोलाछँ नारांद्योया देगः भोलाछँ शिखर शैलीया गणेद्योया देगः, लालाछँ गणेद्योया देगः, देकोचाय् गणेद्यो, लालाछँ महाकाली तैगु फल्चा, शिवननी चुकय्या शिवलिङग, पाचननि चुकय्या महाद्योया देगः, याछँ गणेद्योया देगः याछँ स्तुप, भोलाछँ प्यट्टकां लाथाय् च्वंगु चिभः देगः, चोछँ चिभः देगः, चोछँ दरबारननि चुकय् च्वंगु सुन्दरी गोपाल देगः, चोछँ पूर्वेश्वर महाद्यो, चोछँ लक्ष्मी नारायण देगः, चोछँ ब्यासी भवानी देगः, चोछँ नासः द्योया देगः, चोछँ भैलद्योया देगः, महाद्यो चुकय् महाद्योया देगः, जलं चुकय् नारांद्योया देगः त दः ।

न्ह्यस : सम्पदा संरक्षण व विकास निर्माणया ज्या अः तक गुलि यारो घुना थै?



उद्योगगु स्वप पौ, बःछि पौ(पाक्षिक)

लिस : नेपाल मजदुर किसान पार्टी स्थानीय निर्वाचनय पिथांगु घोषणा-पत्र खय् न्हिथाड तःगु प्रतिवद्धता पू वांकय्ता जिपुं जनप्रतिनिधि क्रियाशील जुयो ज्या साडः च्वडागु दः । घोषणा पत्र खय् -'पुर्खा दय्क तकगु सम्पति भ्नीगु कला व संस्कृति ' नारा ता सार्थक याय्गु सम्पदात व थी थी ल्हवनय व दानय्गु ज्या जुयो च्वंगु दः । थुगु वडाया सम्पदात व विकास निर्माण मध्ये भोलाछे च्वंगु नारांघोया प्वहँ ल्हवडागु, लालाछे गणोघोया घो छे ल्हवडागु, भैल देगः, हकनं दाडागु, सुवर्णेश्वर महाद्योकय् वानय्गु गल्ली लोहँतं सियागु, ल्हँ सल्लाफल्चा पोल्हँ ल्हवडागु, तुछिमलाय् तुथि व देगः ल्हवडागु, छुमः गणोघोया खचा ल्हवडागु, चोछे ब्यासी फल्चा ल्हवडागु, महाकालीया तालय् ठलान, चोछे फल्चा ल्हवडागु, शिशु स्याहार केन्द्रे रंगरोगन व स्टोर दय्कागु बासीतालय् लाँ ल्हवडागु देकोचा निसँ खप कलेजया नेखय् फः दय्कागु, लिगान्चाहिती मुलागु नपां पुखु ल्हवडः दय्कागु, भोलाछे निसँ महाकालीस्थानतक लाँ ल्हवडागु, महाकाली पीठय् च्वंगु फल्चाय् पोल्हँ ल्हवडागु, चोछे व तुछिमला त्वालया फल्चाय् पोल्हँ ल्हवडागु, खप एफ एम व टेलिभिजन कार्य व्यवस्थापन याडागु, नवदुर्गाया खःपा दय्किगु छँया चुकय् ल्हँतं सियागु नपां पाइखाना (शौचालय) दय्कागु, दुगुमला गल्लीया लायँ ल्हँतं सियागु, महाकाली पीठय् चाकलिं ल्हवनय् कानय्गु ज्या जूगु, भोलाछेपुखु ल्हवड, बांलाक दय्कागु, बासी तँ निसे भोलाछे तकया लायँ ल्हँ तं सिय धुंकगु, महाकाली देगः या हः नय्या भजनघर दाडागु, पुर्वेश्वर देगः हकनं दाडागु, वन्तीफल्चा दयक च्वंगु व छुमँ गणेश फल्चा भजन पुनः निर्माण जुयो च्वंगु दः ।

न्हयस : अः लिपा छु छु यायगु योजना ल्यं दः नि थै?

लिस : महाकाली पीठ व अँचा पुखुया गुरु योजना दयकः तस्कं बांलाकः स्वसेलाक दयकः यंकेगु, खप नगरपालिका वडा नं. ६ चोछे च्वंगु खप नगरपालिकाया जग्गाखय् बहुउद्देश्यीय भवन दय्केगु, साविक वडा नं. ५ अः कासन, देकोचा व बौक्वय खप नगरपालिका पाखं आवासीय योजना नक्सा मथां पिथाडब्यवस्थित बसोबास याकेगु, वडाया फुक्क धाय् थें फल्चात वः मज्वय्कः दय्केगु, वडाया फुक्क सम्पदात ल्यंकः म्वाकः तय्ता न्ह्याब्ले ल्हवनय्गुलि बिचः याय्गु बासी तँ निसँ सुकुल ठोकातक या लाँ ल्हँ तं सियागु, भोलाछे पुखु अझ व्यवस्थित याडः पर्यटकीय केन्द्र दय्केगु, वडाया दुनयँ दःगु नेगू सरकारी स्कूल श्री आधारभूत विद्यालय व बालबोध शान्ति नि.मा. वि ता व्यवस्थित याय्गु, वडाया शिशु स्याहार केन्द्रता अझ व्यवस्थित याय्गु योजना दः ।

न्हयस : हलिमय डांक कोरोना ल्वय अपलं डाडः पुड तयो च्वंगु इलय् थुगु वडाया गुलितक प्रभाव लागु दः थै?

लिस : हलिमय डांकः पुडः महामारी काथं डाड च्वंगु इलय् थुगु वडा नं ल्वचं बिस्कं जुय मफः । थुगु वडाया अः तक खय् थयं मथयं १५० म्हा ति कोरोना ल्वगि त खानय् दय् धुंकलसा थयं मथयं १३० म्हा ल्वय लांक छे ल्याहाँ वानय् धुंकल । अलय् डांम्हाति ल्वगि त सिय धुंकल । अः सक्रिय संक्रमित १० म्हा ति जक दः नि सा ल्यं दःपुं थःगु छे सं आइसोलेसनय् च्वडः च्वंगु दः । अलय् बम्हायणी च्वंगु खप नगरपालिकाया आइसोलेसन केन्द्रे अः नेम्हा दः नि । थुगु वडाया नं कोरोना भ्वल्वचं भ्वं भ्वं संक्रमित जूपुं दः । विशेषयाड थी थी अस्पतालय् ज्या सानिपुं नर्सपुं, बैकया कर्मचारीपुं व जनप्रतिनिधिपिन्ता थुगु ल्वचं संक्रमित यागु खानय् दः । छे दुनय् सं च्वडः च्वंपिन्ता नं अः थुगु ल्वय पुंगु खानय् दः गुलिं समूदाय खय् डाडः वांगु थें जुय धुंकल ।

न्हयस : ल्वय संक्रमण मजुइकः पाड म्हेँ व यायां यंकेता वडां छु छु याड तयो च्वंगु दः थै ?

लिस : ल्वय संक्रमण मजुइक पाडः म्हेँ व यायां यंकेता वडां संक्रमित पिन्ता ल्वयया बारेपरामर्श बिय्गु छे सं आइसोलेसनय् च्वडः च्वंपिन्ता मःगु सामानत यंकः विय्गु, सल्लाह बिय्गु, अस्पतालय् वानिपिन्ता अःपुक सहजीकरण याय्गु नपां वडाबासीपिन्ता ताः ताः पाक सामाजिक दुरी काथं च्वनय्गु, स्यानिटाइजर वा साभू थाड लाहा सिलय्गु थी थी ज्या त वडां याड वयो च्वंगु दः ।

न्हयस : चुनातय् बियागु घोषणा-पत्र काथं छु छु याय् धुना छु छु याय् बाकी दः नि?

लिस : नेपाल मजदुर किसान पार्टीया जनप्रतिनिधिपिसं घोषणा-पत्र काथं हे ज्या साडः वयो च्वंगु दः । घोषणा-पत्र काथं सम्पदा ल्हवनय् कानय् व दानेगु ज्या विकास निर्माणया ज्या सुचुकुचुया ज्या, ल्यासे ल्याम्हो पिन्ता भ्नीथाय् हे ज्या बिय्गु व लाहातय् ज्या दय्केता थी थी तालिमत बिय्गु, थी थी कलेजत न्ह्याकय्गु, गल्ली खिचात नियन्त्रण याय्गु, कासाया मदिक प्रशिक्षण बिय्गु, थी थी कासाया धिं धिं बल्ला याय्गु, शिशु स्याहार केन्द्रया व्यवस्थापन व स्तर उन्नति, तः भ्वखाचां थुड ब्युगु छे तः दानय्ता छिं काथं ग्वाहाली याड वयो च्वडागु दः । वडाया दय्के दक धःगु अरनिको सभाभवन नेपःया सरकारं बजेट मब्युगुलिं अः तक दय्के मफयागु खाँ सकसिनं सिहे स्यू । वडाया बुहा बुहीपुं जेष्ठ नागरिकपुं तय्ता आदर निकेतन दय्केगु योजना दःसां अः तक नं बजेट मचः गुलिं हे



डय्छगूगु स्वप पौ, बःछि पौ(पाक्षिक)

दय्के मफयागु, नपां पशुबधशाला, बहुउद्देशीय भवन नं दय्के मफयानि । लिपा श्वहे ज्या त नं हज्याकय्गु योजना दः ।

न्ह्यस : वडाध्यक्ष जूगु इलय हे छिं विद्यावारिधि (PH.D) याड दिल । गथे ई बियो छु विषय विद्यावारिधि याड दिया थें ?

लिस : जि ख्वप नगरया 'ज्यापुहरुको लोक संस्कृति' सम्बन्धि ऐतिहासिक अध्ययन' शीर्षक त्रिभूवन विश्व विद्यालय पाखं विद्यावारिधि याडागु खः । न्हिनयँ वडाया ज्याखय् ब्यस्त जू सां बहनी (चान्हँय) बहनीया ई छ्यलः व फुर्सदया इलय न्हिनयँ नं विषयगत अनुसन्धान याड विद्यावारिधि पू वांका । अलय जिं पि एचडी वडाध्यक्ष जुय हाँ हे न्ह्याकागु खः । अः वडाध्यक्ष जुयो चवडागु इलय सिधय्कागु जक खः ।

न्ह्यस : वडा बासीपिन्ता छुं घाय् मःगु दः ला थें ?

लिस : हलिमय कोरोना भवल्वचं डांक पुंकः संक्रमित याड च्वंगु थौ या इलय सामाजिक सुरक्षाया उपायत छ्यलः ल्वय जुय धुंक वास याय्गु स्वयो ल्वय हे मजुइकेगु बुद्धिमानि ज्या याय्ता सकल वडाबासीपिन्ता इनाप याय् । ताः ताः पाक च्वडः सामाजिक दुरी कायम याडः च्वनय्गु हुलमुलय् मवानय्गु, अपलं पासापुं जलाखालापुं मुड खौं ल्हाड मच्वनय्गु, साभुं थाड इलय ब्यलय् लाहा सिलय्गु, स्यानिटाइजर बुयगु, माक्स तयो जुय्गु खौं ज्या त्वः मफिइक याय्ता सन्देश बियो च्वडा । सुभाय् ।

ख्वप नगरपालिका

नगर कार्यपालिकाया कार्यालय

ब्यासी, स्वप

ख्वप नगरपालिकां अडियो नोटिस सेवा हचिकगुलिं नगरपालिकायागु सूचं व ज्या भ्वः क्वय् च्वयतःगु नम्बरखय् डायल यड न्यने फ़ैगु खौं फुक्कांसिता ब्याक च्वडा ।

Audio Notice Number:

१६१८०१६६१००९६

माजुम्हेस्या लागिं

त्वैवय धुंकल दन्न निभाः हे,
भी भलि मयजू ब्याहाँ मजूनि,
प्यनय् निभालं खयक द्यनानं
आः तक नं सो दना मवःगु

न्हासखा हासानिसें दनाजु
हियु-चिकु धाय्गु छुं लाःगु मखु,
जिमि पालाय्ला गन्यागु थाकु,
आः तक नं सो दना, मवःगु !

माजु-बाजुपिं तंम्वै धैथें
नुगद्यो थुरुथुरु खाका जुयमः
किन्तु थमिगु आः चाल छोको स्व!
आः तक नं सो दना मवःगु!

हन्यमा-मन्यमा छुं दुगु मखुतः
भ्या हे डर-भर न त काःगु खत,
श्वैक गपाय्चो शोहवत मदुगु
आः तक नं सो दना मवःगु !

लः काय् धुंकल जःला खःलाय्,
भी छौं वसि-बँ स्वपुहे मपूनि,
तिक्क छोको नं मनय् मवंला?
आः तक नं सो दना मवःगु !

कायं धाय्मफु थुगु खँय् छुं नं
यात बाबुचा हे थौं वैत,
अलक्षणा नं याना स्यन छौं
आः तक नं सो दना मवःगु !

जि जक जिउसा सत्य-सत्य नं
सँ ज्वना धिनिधिनियाय् मासे वः,
मछाः गपाय्चां मजूमहा धाया !
आः तक नं सो दना मवःगु !

भाजु रामबहादुर कायस्थ
(२०१२) ब्याहाँ पाखं



स्वनिगः दुनय्या घोचा हिलिगु परम्परा

आशाकुमार चिकंबजार

मल्ल कालय् स्वनिगः यँ, यल व ख्वप स्वंगू राज्यकाथं जुजुपुं च्वड राज्ययाबल्य् सम्पदा लागाया स्वर्ण युग काथं काय्गु या । नपां उगु इलय् ल्वहँ पौ, ली पौ, सिजपौ नपां लुँ वहया पौ नं तयो उगु देगः दय्कागुया कारणं च्वय्गु याड तःगुलिं व तिथि, मिति नपां च्वयो गुम्हा जुजु या पालय् दय्कगु वा उकिता च्व छःगु खः धाय्गु नं अध्ययन अनुसन्धानं सिद्धके फः ।

उगु इलय् अपलं मनूत डायो बनय् ज्याइगु व चाहिलिगुलिं याडः फल्चा दय्केगु चलन खानय् दः । अलय् फल्चा लिक्क ल्वहँहिति नं दै । मखुसा ढवंगचा, तुथि नं दै । गुकिं बाय् च्वनिपुं मनूतयता जा थुयता व नाः त्वनयता अः पुइगु खः । उगु ल्वहँ हितिया फुसय् मंगः तयो उकिया च्वसं नारांघो नपां मेमेपुं घो तयो फोहर मयाकय्गु व न्हंकः मछवय्केता तैगु चलन दः । ल्वहँ हितिया क्वय तुति सिलयता वा काचाक्क नाः तुयो मिं न्वःसा स्यायता हिति गः दय्क तै । ल्वहँ हितिया क्वयया आङ्गलय् भगीरथया मूर्ति तयो तै । भगीरथं थः पुस्ता नर्क वांसेलिं स्वर्गय् नं गड्गा (नाः) हयता तस्कं थाक्क तपस्या याडः हः गुलिं थ्व ल्वहँहिति नं अः पुक दय्कगु मखु, सकल जनताया त्याग, तपस्या व श्रमदानं दय्कगु खः धाय्गु प्रतीक काथं भगीरथया मूर्ति तयो तःगु खः । सुनं सुथाय् ख्वः स्य् वानिपिसं उम्हा भगीरथ याता नाः तानिगु चलन अः नं ढुढाबुढीपिसं सियो नं याड च्वंगु दः नि । मसियो नं याड च्वंगु दः नि ।

पुराणया लिधांसाय् धाय्गु खः सा भगीरथया पुर्खा अश्वमेघ यज्ञ याड श्यामकर्ण सलौ त्वः त वांगु इलय् अपलं राज्य त्याकगु खाडः स्वर्गया जु जु इन्द्र हे ग्यात । अलय् चान्हयँ उम्हा सेनात देड च्वंगु इलय् इन्द्र उम्हा श्यामकर्ण सलौ खुयो यंकः तपस्या याड च्वंम्हा कपिल मूनिया आश्रमय यंकः चिडः तकल । सुथाय् भगीरथया पुर्खाया सेनात न्हयलं चः बलय् उम्हा श्यामकर्ण सलौ मखांसेलिं मः जुगु इलय् कपिल मुनिया आश्रमय चिड तःगु खाडः कपिल मूनिया खुँ पः याड अनेक द्रुपं बियो सास्ती यातः । अलय् मनयागु विष लगेज् गुलिं कपिल मुनिं तं पिकायो मिखा काड ज्वेपियो स्वसेलि आना दःपुं जुजु पुं नपां सेनात भष्म जुल । अलय् मखुगु द्रुपं ब्यगुलिं भगीरथया पुर्खा नर्कय वान ।

थुगु खौं भगीरथं सियानिं वं थः पुस्ताता नर्क मुक्त यायता छु यासा जी धायो न्य न्यं या बलय् ब्रम्हाया तपस्या यात । ब्रम्हा खुसी जुयो बर पवँ धः बलय् थःगु खौं बित्ति यासेलिं व ज्या

थमनं याय् मफयागु, स्वर्ग गड्गा हःयो तर्पण याःसा जक जिड धः सेलिं गड्गाया तपस्या यात । गड्गा लयतायो जि वयां वय् अलय् सुनं फै जिं पृथ्वी हे चुइकः विय धः सेलिं भगीरथं हकनं महाद्योया तप यात । महाद्यो लयतायो वं फयो विय धः सेलिं गड्गा स्वर्ग क्वहँ वल । महाद्यो वं थःगु जता ख्यड फयो काल । गड्गां महाद्योया जता हे फुक्क प्याकय् मफूसेलिं सापः प्याड स्वथाडः बिल । अलय् गड्गां त्वाथं पिकःगु स्वधाला नाः गड्गा, जमुना, सरस्वती काथं लोकं हवात । वहे पवित्र व चोखगु नाः दःगु हितिया जवय् महाद्यो नं थापना याड तःगु दै । अलय् अजगु पवित्रगु, पूण्यभूमिया धार्मिक स्थलय् वानिथाय् नं लायँ लायँ थाकुलकिं दियता फल्चा प्या चा तांकयता ल्वहँहिति पुर्खा पिसं तस्कं बिचः याड दय्क तःगु खः । गुकिया संरक्षण मोटर संस्कार वसेलिं बुलुहँ तड वान । न्हड वान । (प्रा.डा. पुरुषोत्तम लोचन श्रेष्ठ)

ज्याया हुलय् छुं नं रसरङ्ग व धार्मिक ज्याखय् लगय् मजुइ धाय्गु मतिं उब्ले थी थी महिनाय् स्वनिगःया थी थी द्योत चाहिलय्गु याकः तःगु खः । जनतात धर्मखय् लगय् जूतलय् राजतन्त्र नं म्वाडः च्वनिगु व जनताता पूर्व जन्मया व पुनर जन्मया खौं काडः भाङ्ग लाड तय् फः तलय् जनताता च्यो भवतिं याड प्रजायाड तय् दैगुलि उब्लेया सामन्त तय्सं थथे नियम दय्कगु खःसां गुलिं थुकि दुनयँ दुवालः स्वयबलय् बांलागु पक्ष नं दः । न्ह्याब्लेँ छँ नं बुइँ, बुइँ नं छँ जक मजुसें भक्तजनपिन्ता स्वनिगःया थी थी थासय् चाहिइकः आनाया ज्ञान दय्क बियगु नं छगु उद्देश्य खः सा पासा, त्व-बः मुड छगु उब्लेया गुँ भवयथे याड नय्गु याड छप्पा छधिया चिं ब्वय्गु काथं नं याड तःगु खः । थुगु इलय् त्वालयाया :ल्यासे ल्याम्होपुं हिसिख्याली याड रसरङ्ग जाय्क म्हासिद्धकेगु ई काथं नं छयल तःगु दः ।

स्वनिगः या चाकलीं च्वंगु प्यंगू भन्ज्याड दक सांगा भन्ज्याड, पाँचमाने भन्ज्याड, पाटी भन्ज्याड व खरी भन्ज्याड याड छुं नं मभिंगु ज्या यापिन्ता चारभन्ज्याड पुइकः छ्वगु वा हाकुगु पुइक छ्वय्गु कानुन राणाकालय् तक ल्यं दः नि । थथे ल्याखाड स्वयबलय् उब्ले चार, प्यम्हाया महिमा तःगु हे दः । उकि मध्ये प्यम्हा गणेद्यो सिद्धकः वानय्गु दक स्वनिगः या प्यंगू दिशाय् च्वंपुं सूर्य विनायक (ख्वपय् इनरय् गणेद्यो) जलविनायक (चोभः गणेद्यो) अशोक विनायक (यँ मरु गणेद्यो) व चन्द्र विनायक



डय्खगूगु स्वप पौ, बःछि पौ(पाक्षिक)

(चावय्ली गणेद्यो) सिद्धकः वानयगु यार्ई । अथय् हे श्रावण महिनाय् प्यम्हा भगवान् सिद्धकेगु दक नमोबुद्ध (काभ्रे), बज्रयोगीनी (साँखु), स्वयम्भू (यै) व करुणामय् (बुडमति) द्योकय् वानिगु चलन दः । अथेहे प्यंगू (चार) धाम दकः बराह क्षेत्र, जनकपुर, मुक्तिनाथ व दामोदर कुण्ड (भारतया बदरीनाथ, जगन्नाथ,

राजोपाध्याय ब्राम्हणं छु खः दक तरवारं पालः ब्यूसेलिं ब्राम्हणं हत्या यागु दकः पाप फुक्क ब्राम्हणकय् सरेजुयो भगवान् विष्णु पापं मुक्त जुल । उब्ले वहे भगवान् विष्णुं दरशन ब्यूसेलिं वयकया मूर्ति स्थापना यासे उगु दोलागिरी पर्वतसं चांगु नारायण विराजमान यागु धार्मिक आख्यान दः । ख्वप नगरं थ्यं मथ्यं ६ कि.मि. या लायँ उब्ले प्यम्हा नारांद्यो सिद्धक वानिपुं डायो वानिसा अः मोटरं वनिगु याड च्वंगु दः । थुगु थाय् समुद्री सतहं ५ हजार फिट च्वय लाः धार्ई । थुगु देगः जुजु मानदेवं दयकगु धःसां पाँचौ शताब्दी लिच्छवी जुजु मानदेवं राज्य त्याक वयालिं अनेक गुथि तयो संरक्षण याकगु धाय्गु नं बंशावली व आनाया थी थी ली, सिजः, ल्वहँ पौ खं क्यं । थुगु देगः प्राचीन काष्ठकला धातुकला प्रस्तरकलाया स्यल्लागु नमूना काथं धस्वाड च्वंगु प्यगोडा शैलीया देगः या हःनय् च्वंड विन्ति याड च्वम्हा गरुडया ख्वः हे मानदेवया ख्वः खः । शड्ख, चक्र, गदा, पदम ज्वड दोलागिरी पर्वतया चोसं विराजमान याड च्वम्हा विष्णु भगवानता पुजा याःसा अतिपूण्य लाइगु खाँ नं धायोतःगु दः । देगः या चाकलिया अनेक विष्णुया अवतारया प्रस्तर मूर्तित ज्वः मरुगु मूर्ति त खः ।



इचंगु नारायण

रामेश्वर व द्वारिका) वानिगु चलन दः ।

थाना न्हिथानय् ताडगु छगू अजगु हे तिर्थ यात्रा खः प्यम्हा नारांद्यो सिद्धकः वानेगु । स्वनिगः या प्यम्हा नारांद्यो चाडगु नारायण, विशड्खु नारायण, शेष (फंपु) नारायण व इचड्गु नारायण खः । स्वनिगः या थ्व प्यम्हा नारायणया तस्कं महत्व दः । स्वनिगया उत्तर पूर्व दिशाय् च्वम्हा चांगु नारांद्योया देगः लोकं व्हागु छगु धार्मिक स्थल नपां पर्यटकीय स्थल नं खः । भगवान् विष्णुं जलंधर बध याकेया नितिं थःमनं वृन्दाया सतित्व भड्गु याड ब्यूसेलिं महाद्यो वं जलंधर बध याता । उब्ले वृन्दां व खाँ सियानिं छल याड थःगु सतित्व भड्गु याड ब्यूगुलिं नारांद्योयाता ल्वहँ, इवःप, घायँ, सिमा (सालिग्राम, कुश, तुलसी, वलागसिमा) जुयमः दक श्राप ब्यूसेलिं नारांद्यो चाँप गुडँ(चांगु) वयो च्वड च्वन । थःगु रुप कुरुप जुजु हाकुसे च्वड वान । आनाया भडेल तयसं लहिड तःपुं सां उगु थासय् ज्वय यंकी बलय् छम्हा तस्कं दुरु बिडम्हा साँया दुरु उम्हा नारांद्यो वं खुयो त्वंसेलिं साँ थुवता दुरु मबिल । उकिया रहस्य थुइकेता साँ लिसें लिसें वाड स्व बलय् व हे हाकुगु किचां दुरु त्वंगु खान । वहे हाकुगु किचा याता आनाया

स्वनिगः या दक्षिण पक्षिम दिशाय् च्वंगु यँ नं थ्यं मथ्यं १५ कि.मि तापागु थासय् स्वनिगःया तस्कं लोकं हवागु दक्षिणकाली द्योथाय् वानयगु लायँ फर्पिड्या पर्वतया खाँचय् दयक तःगु देगः तस्कं हे मनमोहक जू । थुगु देया चाकलीं थी थी द्योत नपां महाद्योया शिवलिङ्ग नं दः । देगया क्वय् च्वंगु कुण्ड खय् डाचा तनं दः गुलिं भन हे स्वय हायँ पुगु थाय् खः । छता जकगु देगलय् दुनयँ गरुड गयो बिज्याम्हा प्यपा लाहातय् शड्ख, चक्र, गदा,



फंपु (शेष) नारायण



डयङ्गुगु स्वप पौ, बःछि पौ(पाक्षिक)

पदम ज्वड बिज्याम्हा नारांछोया प्रस्तर मूर्ति नं दः । चवय लाम्हा नारांछो काथं शिखर नारायण नं धाइम्हा उगु फंपु नारांछोया मूर्ति भगवान श्री कृष्णाया काय् प्रद्युम्नं दयकगु जन विश्वास दः ।



बिसंखु नारायण

स्वनिगः या उत्तर पक्षिम कुनय लाक विराजमान जुयो बिज्याम्हा इचंगु नारायण वानयता येँ नं थ्यं मथ्यं ८ कि.मि. ति वानय् मः । पेगोडा शैलीं दयकतःगु उगु नेता जःगु देगः या जवं खवं प्राकृतिक लू त स्वय् दः । येँ या हावां उलि कय मलागु थुगु थासय् अः नं प्राचीनताया अवशेष ल्यं दः नि । थुगु देगः या कला स्वयबलय् छगू बांलागु कलाया नमूना पिज्वः । थुगु देगलय् दुनय्या नारांछोया प्यपा लाहातय् नं शंख, चक्र, गदा पद्म दः । थाना दुनय् गरुदया म्हाय् चवयसं चवंम्हा नारांछो नपां मेमेगु छोया मूर्ति नं दः । थुगु इचंगु नारांछोया देगः लिच्छवी कालीन जुजु हरिदत्त बर्मा दयकेब्यूगु दक बंशावली खय् न्हि थाड तःगु दः । अः दःगु देगः धःसा १८ औं शदिखय् दयब्यूगु दक नं धः ।

स्वनिगया प्रसिद्ध नपां छोया देगः मध्ये छगः विशंखु नारायण या देगः नं खः । थुगु थाय् येँ नं थ्यं मथ्यं १० कि.मि. ति तापा । श्व स्वनिगः या दक्षिणपूर्व कोणय्ला । गोदावरीया तप्यंक हे चवय पाखय् चवंगु विशंखु नारांछोया देगः दःगु थासय् शंखया आकृति वगु (ल्वहँ) प्रस्तर दःगुलिं विशंखु धःगु जुई दक जन विश्वास याड तःगु दः । थानया चाकलीं बांलागु प्राकृतिक दृश्य नपां स्वनिगः बांलाक खानय् दःगु थाय् जूगुलिं तस्कं हार्यँपु । थुगु थासय् भगवान विष्णुया मूर्ति धःसा मरु । थाना नारांछो दक पुजा याडगु ल्वहँ तय् अष्टदल जक दः । श्वहे ल्वहँ याता भक्तजनपिसं नारांछो दक पुजा याड वयो चवंगु

खः ।

प्रसङ्ग धार्मिक स्वयो उब्लेया सामाजिक, राजनीतिक व भौगोलिक ज्ञानया काथं थुडकय् मः । स्वनिगः या नेवः तय्ता 'फुट गर राजगर' काथं अनेक तरहं ल्वाकः तःगु शाहकालया खाँ जुल । मेगु काथं चिय मफूसा धर्मया खिप प्यडः छो फुक्क सिया मंकः खः धायगु काथं हज्याक तःगु जुयमः । अपलं नेवः तय्ता छगू देशं मेगु दे (येँ, यल व ख्वप दे) या बैवाहिक सम्बन्धहे उलि मयाकसिं छगु नं छगू ख्याचव व मखुगु फय् खाँ ल्हाड साम, दाम, दण्ड, भेद याड न्हयपतय् स्वं पुयो ल्वाक तःगु खानय् दः । गगु खाँ स्वनिगः या नेवः तय्सं थुडके मफः । सुनं नेवः भाय् ल्हाइगु इलय् भाय् व धाधां गिजय् याडगु, हाकुपरासी सिङ्गु क्वह्यं किगु, ख्वपयत ग्यापु धायो सम्पर्क तयके मबिङ्गु थजगु विभेदया बिरुद्ध छो सिङ्क वानिगु ज्या हछ्याड तःगु खै । अथे नं थुखय् पाखय् छो मंकः जूसा यमि, यलामि व ख्वपय् बिस्कं पहः या जाति दक ध्वः कियो तःगु लक्ष्मण रेखा अः भीसं हाचांगायो वानय् मफूसा भीगु संस्कृति, भीगु सम्पदा अलय् भीगु म्हासिङ्का हे ताड वानि । प्यन्हू फूम्हा म्हायमचा लिता हय् मज्यू, प्यन्हू दुःखं चवनय् मःगु, प्यम्हा मनूया हःनय् नुवाडागु बचं हिङ्कय् मज्यू धायो तःगु या अर्थ नपां प्यम्हा नारांछो सिङ्केगुया अर्थ लिपा लाक चवनय् मते न्ह्यागुनं ज्या कन्हे धाधां प्यन्हू फुतकिं पुत दक धःगु अर्थ थुडकः



चाँगु नारायण

भीसं पला न्ह्याकय् मः । मखुसा भीता स्मार्ट सीटीं क्वत्यलि, फास्टट्रयाकं ल्हाक छ्वई, अलय् भीगु भाय् चवय थाकु, ल्हाय् थाकु धाधां प्यन्हू फूम्हा म्हाय् मचा थें थ मजु । श्वहे संस्कृतिया छगु शिक्षा खः ।

(थी थी सफू, प्रेममान डंगोल जूया चवसु व नेपाल भाषा एम.ए. ब्वडा बलय्या ग्वाहाली कायागु जुल ... च्वमि)



‘सम्पदा पुनः निर्माण तथा जीर्णोद्धार’ सचित्रसाफूया म्हासिइका :

- कृतिका प्रजापति

नेपः दे कला व संस्कृति व सम्पदाया ल्याखं हलिमय गौरवयाय् लाइकगु दे खः । भौगोलिक काथं जलाखाला दे चीन व भारत स्वयो तस्कं चिच्याक्वगु हे जुसां सांस्कृतिक विविधताया ल्याखं नेपः देशं हलिमय नां जाय्क च्वंगु सकसिनं स्यू । अझ स्वनिगल्य् च्वंगु ऐतिहासिक व सांस्कृतिक महत्व कः घाड च्वंगु थानाया कला, संस्कृति व सम्पदां नेपः दे ता हलिमय बिस्कं पहलं म्हासिइका बियो च्वंगु दः । नपां स्वनिगः या न्हय्गू सम्पदा हलिमयया विश्व सम्पदाया धलः खय् नां जायो च्वंगु लिं नं नेपः मि पिसं गर्व याय् फःगु विषय जुयो च्वंगु दः । उकिं सांस्कृतिक सम्पदा हे नेपः दे या धात्थें बांलागु तिसा खः धःसां छतिं हे पाइमखु ।

कला, संस्कृति व सम्पदा ल्यंकः म्वाकः तय्गु, स्यं ल्हवं (जीर्णोद्धार) व दुगु सम्पदा दानय्गु ज्याखय् ख्वप नगरपालिका देया फुक्क स्थानीय तह स्वयो च्वयला । ख्वप नगरपालिका थानाया सम्पदात म्वाकः तय्गु अभियान हे याड च्वंगु दः । २०७२ सालया तः भ्वखाचां मेमेगु थासय् थें ख्वपय् नं सम्पदात व छैत अपलं दुडः तहांगु क्षति याड बिल । ख्वप नगरपालिकाया जनप्रतिनिधिपुं व थानाया जनताया मंकः कुतलय् तः भ्वखाचां स्यंक व थुड ब्यूगु सम्पदात बुलुहुं न्हँगु जीवन काकां पुलांगु मौलिक पहलय् हे धस्वाडः वगु दः । स्थानीय जनताया सहभागिताय् उपभोक्ता समिति पाखं ख्वप नगरपालिकां याड च्वंगु विकास निर्माणया ज्यात थौं देशां देछिया स्थानीय सरकारया नितिं डालकाय् बहगु काथं हज्याड च्वंगु धात्थेंगु खाँ नं भीगु हःनयँ दः । ‘पुर्खा



दय्क तकगु सम्पति, भीगु कला व संस्कृति’ नारा धात्थें खय्क ज्याखय् छ्यलः सार्थक यायां वयो च्वंगु नपां नगरपालिकां थानाया मूर्त व अमूर्त सम्पदातय्गु संरक्षणया ज्या मदिकक याडः वयो च्वंगु दः ।

थ्वहे इवल्य् २०७४ सालय् स्थानीय तहया निर्वाचन लिपा ख्वप नगरपालिकाय् जनप्रतिनिधिपुं भायो बहाली यासेलिं तः भ्वखाचा लिपानिसें अः तक ल्हवनय् कानय् व दानय् धुंकगु सम्पदात व दाड च्वंगु सम्पदातय्गु विवरण दुथ्याकः तःगु छगू किपा मुना साफू- ‘सम्पदा पुनः निर्माण तथा जीर्णोद्धार’ नांया (२२२) नेस व नीनेपाना दःगु रंगीन छापात तयो सचित्रपुस्तक पिथांगु दः । हलिमय डांकः कोरोना भ्वल्वय डाडः पुड वाड च्वंगु हुनिं याड २०७७ असोज ११ गते विश्व पर्यटन दिवसया लसताय उगु साफूया चिखी फ्यनयँ ज्या नेपाल मजदुर किसान पार्टीया छ्याञ्जे नपां संघीय सांसद मा. प्रेम सुवाल जुया मू पाहाँलय् अनलाइन पाखं जूगु खः । ख्वप नगरपालिकाया वडा नं. १ निसें १० तकया वडाया फुक्क देगः फल्चा, ल्वहँहिति, धवाका, पुखु, तुथि, सत व मेमेगु तहां चिच्याहांगु फुक्क सम्पदात ल्हवनय् -कानय् व दानय् धुंकगु १०३ सम्पदा तय्गु बचा हाकलं विवरण नपांया रंगीन किपात तस्कं स्वय हाँयपुकः तयो तःगु दः । नपां ३४ गू सम्पदात ल्हवड च्वंगु तथ्य नं उगु साफूति तयो तःगु दः ।





डयूधगूगु ख्वप पौ बः छि पौ (पाक्षिक)

साफूतिई नेपाल सरकारया पुरातत्व विभाग पाखं दांगु नेगू प्यंगू सम्पदातयता नं महत्वपूर्ण थाय् बियो तःगु दः ।

साफूया दकलय् हे नय्या पाना आवरण पृष्ठय् तयो तःगु नेपः देयाय् हे दकलय् तः जः गु ख्वपया लोक हवागु डातापोल्हे देगः या क्पिपा तस्कं बांला । स्वय्याय्पुसे चवं । कोलम्बसं अमेरिका लुइकय् हाँ हे ख्वपया उगु डातापोल्हे देगः दानय् धुंकगु इतिहास साक्षी दः । व फुक्कसिनं स्यूगु हे खाँ खः । अथे जूगुलिं ख्वप नगरपालिकां अन्तर्राष्ट्रिय जगतय् तस्कं बांलागु थाय् कायो चवंगु डातापोल्हेया म्हवँचा इलय् हे भीगु थःगु हे मौलिक प्रविधि छ्यल ल्हवनय्कानय् याड संसारया मनूत आश्चर्य जुइक ब्यूगु दः । नपां देगः ल्हवनय्ता स्थानीय जनतां याड द्यूगु आर्थिक ग्वाहाली, ज्याखं ग्वाहाली (जनश्रमदान) व अपलं मनूत मुड वगु जन लहरं ख्वपया शान, मान व इज्जत भन अप्वगु मति सकसिनं तःगु दः ।

उगु साफूति ख्वपया चिच्या-चिच्या हांगु सम्पदानिसं तः तः हांगु व तस्कं महत्वपूर्णगु सम्पदा तय्गु च्वछायो ज्या याड चवंगु दः । ख्वपया छु सम्पदाखः उकिया नां, विवरण, दय्कगु ई, गुलिखर्च जुइ धाय्गु लागत, अनुमान, जुगु खर्चया ल्या चा नपां तयो नगरपालिकां पिकःगु थुगु साफूता आर्थिक पारदर्शीया छगू नमुना काथं काय् फः । साफूति सांस्कृतिक नगर ख्वपया बःचा हाकगु म्हासिइका व ख्वप नगरपालिकाया प्रमुख सुनिल प्रजापति जू या धापु खं नं ख्वप नगर व ख्वप नगरपालिकां याडगु ज्याया बारे अभ् अपः खाँ थुइकय्ता ग्वाहाली जूगु दः । नगर प्रमुख जुया धापु विदेशीतय्गु ध्याछ धेबा हे ग्वाहाली मकः सिं हे ख्वप नगरपालिकां थुगु हे आर्थिक स्रोतं उगु विकास निर्माणया ज्यात मेगु निकायतय्सं नं डालकाय् बह जूगु खाँ अपलं निकाय् तय्सं धायो च्वंगुलिं प्रष्ट या । ख्वपया कला, संस्कृतित अध्ययन अनुसन्धान याडपुं ब्वनामिपुं, शिक्षकपुं, अनुसन्धानता व पत्रकारपिनिगु निंतिं

थुगु क्पिपा मुना साफू छगू ब्वनय्लाइकगु व संग्रहनीय सन्दर्भ सामग्री काथं काय् फः ।

साफूता आधिकारिकता बियता प्रकाशकया नां नं तयो पिकःगु जूसा अभ् बांलाइगु जुई । साफूतिई दुथ्याक तःगु फल्चा, ल्वहँहि, देगः सत्तया थाय् विशेषया नां स्वयो नं पुलांगु मौलिक नां तय्गुलि बः याय् फःसा ई काथं समय सापेक्ष जुई । रंगीन क्पिपा नपांया थुगु तः पाँगु (तः फिगु) साफूया धात्थेगु मू व विषयवस्तुनं साफूति दुथ्याक तःगु जूसा लुं सियागु थें अभ्



तेजलाइगु जुई । ख्वप नगरपालिकां ल्हवड चवंगु ३४ गू सम्पदा दुथ्याक तःगु मेगु साफूतं पिथानिगु पाठकपिसं आशायाड चवंगु दः । अथे जुगुलिं ईलं फवं थें व ऐतिहासिक दस्तावेज काथं साफू ज्वः मरुगु धाय् ल्वः । नपां ख्वप नगरपालिकाया थुगु ज्याखं मेमेगु स्थानीय तह तय्सं नं थमनं याडागु विकास निर्माणया ज्यात मुडः मुना साफू त पिथानय्ता घ्वातु घ्वाइगु खानय् दः । थजगु तस्कं बांलागु क्पिपा मुना साफू पिथांगु लिं ख्वप नगरपालिका सुभायया पात्र खः । मुलिमुलि सुभाय् देछाय् ।

इनाप

ख्वप नगरपालिका पाखं पिथाड चवंगु ख्वप पौ बः छि पौ खय् बांलागु च्वसु त बियो ग्वाहाली याड दिसँ । उगु रचनाया ल्यः ज्या याड पारिश्रमिक बियगु खाँ ख्वप नगरपालिकाया २०७७ श्रावण २६ गते चवंगु बैठकं

क्वः छ्यूगु खाँ ब्याक च्वडा ।

सम्पादक
ख्वप पौ



डय्खगूगु ख्वप पौ, बःछि पौ(पाक्षिक)

ख्वप नगरपालिकाया ज्या भवः त

भक्तपुर औद्योगिक क्षेत्र व्यवस्थापन कार्यदल नपां नगर प्रमुख

मंसिर १२

ख्वप नगरपालिका वडा नं. २ खय् च्वंगु भक्तपुर औद्योगिक क्षेत्र दुनय् न्ह्याक च्वंगु ध्वनि व कुँ प्रदुषण याइगु उद्योग चिइक यंकेंगु बारे ख्वप नगरपालिकाया प्रमुख सुनिल प्रजापति जु नपां उद्योग वाणिज्य व आपूर्ति मन्त्रालयया सहसचिव डा. नारायण प्रसाद रेग्मीया न्हयलुवाय् वगु पुचलं विहिबार नपालात ।

याडः कायो भक्तपुर साना उद्योगतयो अः उब्लेया उद्देश्यया अखः सः(ध्वनि) कुँ व रसायन प्रदुषण याइगु टेक्सटाइल, डाइइङ्ग, रङ्गरोगन, प्लास्टिक उद्योगत न्ह्याकः च्वंगुलिं जनतां अपलं विरोध याड च्वंगुलिं सरकारया नीति काथं हे अजगु उद्योगत स्वनिगलं पिनयँ तय यंकय् मःगुलि बः याड दिल ।



वयकलं ख्वप नगरपालिका दुनयँ न्ह्याक च्वंगु गुलि नं उद्योग नगरपालिकाया निर्देशन पालना मयासिं नगरपालिकाता पुलय् मःगु कर नपां मपूसें च्वंगु खौँया ध्यानाकर्षण यासे विश्व सम्पदाया धलखय् नां जायो च्वंगु सम्पदा दःगु थासय् व मनूया स्वास्थ्यता मनिंगु प्रदुषणत पिकाइगु उद्योगत न्हापांगु चरणय् मेथाय् तय् यंकेंगुलि मः काथं ज्या न्ह्याकः बिया दक आग्रह याड दिल ।

बैठकसं उद्योग वाणिज्य व आपूर्ति मन्त्रालयया सहसचिव डा. नारायण प्रसाद रेग्मी, भक्तपुर औद्योगिक क्षेत्र दुनय् न्ह्याकः तःगु उद्योगया बारे जनताया मनया खौँ आशां मथ्याइगु काथं उद्योगत मेथाय् चिइकः यंकेंगु विषय स्थायी काथं समस्या ज्यंकय्ता थःपुं

भक्तपुर औद्योगिक क्षेत्र दुनयँ न्ह्याक च्वंगु तः तः सः पिज्वयक ध्वनि, कुँ, नपां रसायन (तेजाव) प्रदुषण याइगु उद्योगत दिक बिया दक स्थानीय जनतां माग यासेलिं उद्योग मन्त्रालय पाखं निस्वांगु कार्यदल पाखं वगु पुचः नपां नगर प्रमुख प्रजापति जुं भक्तपुर औद्योगिक क्षेत्रता घरेलु तथा साना उद्योग वा हस्तकला ग्राम काथं न्ह्याकय् मःगु आवश्यकता काड दिसे उद्योग क्षेत्र दुनय न्ह्याक च्वंगु कुँ त्या त्या पिकाइगु, अपलं धू ब्वय्किगु, तः तः सः वइगु टेक्सटाइल, रसायन (तेजाव) पिकाइगु डाइइङ्ग, रङ्गरोगन कारखानात तुरुन्त छिगु थासय् चिइक तय यंकें मः धायो दिल ।

स्थानीय किसान तय्के घय्मो मूलं दांकः जग्गा अधिग्रहण

तयार दःगु खौँ कांसे साना उद्योग काथं निस्वांगु उगु औद्योगिक क्षेत्रय् अः थः यत्थे जथाभावी जनताया मति व इच्छाया अखः मनूया जिवय्ता मनिनिगु प्रदुषण पिकाइगु याड उद्योग सञ्चालन याड च्वंगुलि मन्त्रालयं छुं हे मसियागु खौँ उगु पुचः या छम्हा प्रतिनिधिं धायोदिल ।

बैठकसं ख्वप नगरपालिकाया उप प्रमुख रजनी जोशी, प्रमुख प्रशासकीय अधिकृत रामलाल श्रेष्ठ, वडाध्यक्ष हरि प्रसाद बासुकला (२), उद्योग वाणिज्य व आपूर्ति मन्त्रालयया (कानुन) या उपसचिव बालकृष्ण निरौला व उपसचिव एकदेव अधिकारी जु नं भःगु खः ।

ख्वप नगरपालिकाता न्ह्याबले सफा,
सुग्घर तय्गु सकल नगरवासीतय्गु कर्तव्य खः ।



डय्ख्गुगु ख्वप पौ, बःछि पौ(पाक्षिक)

सिभिल इञ्जिनियरिङ्गया न्हँ ब्वनामिपिन्ता मार्ग निर्देशन

मंसिर १५

ख्वप नगरपालिकाया प्रमुख सुनिल प्रजापतिया मूँ पाहाँलय् ख्वप नगरपालिकापाखं न्ह्याक च्वंगु ख्वप बहुप्राविधिक अध्ययन संस्थानय् शैक्षिक शत्र २०७७/७८ य् सिभिल इञ्जिनियरिङ्ग विषय ब्वँ वपुं न्हँ पुं ब्वनामिपिन्ता सामाजिक दुरी कायम यासँ अभिमुखीकरण व मार्ग निर्देशनया ज्या इवः सोमबार जुल । ज्या इवःसं कलेज सञ्चालक समितिया नायो प्रमुख प्रजापति जुं ख्वप नगरपालिकां प्राविधिक शिक्षाया महत्व थुइकः भ्नीगु देया नितिं प्राविधिक जनशक्ति ब्वलांकेता थुगु विषयता हः छ्याड च्वडागु खँ ब्याकदिल ।

वयकलं प्राविधिक शिक्षां ब्वनामिपिनिगु क्षमता अप्वइकिगु



नपां लाहातय् ज्या दयो मथां रोजगारी नं याइगु खँ ब्याकसे देया योजनावद्ध दिगो विकासया नितिं प्राविधिक शिक्षां अपलं ग्वाहाली याइगु नपां प्राविधिक ज्ञान थासय् लाक छ्यलय् फःसा देया विकास निर्माणं अपलं हज्याइगुलिं थौं या युगं नैतिकवान व इमान्दार न्हँगु पुस्ता फ्वड च्वंगु खँ नं ब्याक दिल ।

ख्वप नगरपालिकां अन्तर्राष्ट्रिय लागाय् तकनं धिं धिं बल्ला याय् फःपुं जनशक्ति ब्वलांकय्ता ख्वप विश्व विद्यालय चाय्केया नितिं मः काथंया ब्यवस्था याड च्वंगु खँ ब्याकसें नगरप्रमुख प्रजापति जुं ब्वनामिपिसं थःगु शैक्षिक योग्यता नपां नपां ब्यवहारिक व सैद्धान्तिक ज्ञान नं मुड यंकेगु स्थल्लागु शक्तिं ज्या तस्कं स्थल्लाक, बांलाक प् वाकिगु खँ नं ब्याक दिल ।

ख्वप बहुप्राविधिक अध्ययन संस्थान सञ्चालक समितिया

दुजः नपां ख्वप नगरपालिका वडा नं. ९ या वडाध्यक्ष रविन्द्र ज्याख्व जुं नगरपालिका पाखं न्ह्याकः च्वंगु कलेजय् च्वय् थ्यंक ब्वनय्गु मतिं उच्चशिक्षा काय्ता थी थी जिल्लां ब्वँ वगु लयताया खँ खः धायोदिसे थःकय् दःगु सीप व ज्ञान देशय् समाजता भिंकेगुलि छ्यलय्ता मार्गनिर्देश याडः दिल । वयकलं ब्वनामिपुं साफूलि दःगु खँ ब्वनय्गु नपां प्रयोगात्मक शिक्षा खय् नं बः बियो हज्याय्मः धायोदिसे धात्थे खयक समाजय् बांलाकः भिंक हछ्याड यंकय्ता दक्ष जनशक्ति ब्वलांकय्गुलि कलेजं बः बियो च्वंगु खँ काडः दिल ।

ज्या इवःसं ख्वप नगरपालिका वडा नं. ८ या वडाध्यक्ष

महेन्द्र खायमली जुं ज्या साड नैपुं ज्यापु ज्यामिया ब्वनामिपिसं च्वय् थ्यंक आखः ब्वनय् फँगु तस्कं बांलागु थाय् काथं हज्याड च्वंगु ख्वप नगरपालिका पाखं न्ह्याकः च्वंगु कलेजं निस्वांगु इलय् निसे ख्वपय् शैक्षिक, सामाजिक, सांस्कृतिक स्तर च्वछाय्ता ग्वाहाली याड च्वंगु दः । धायो दिल ।

ख्वप नगरपालिकाया प्रमुख प्रशासकीय अधिकृत रामलाल श्रेष्ठजुं निस्वांसां निसे स्थानीय

सरकार थथे जुयमः दक क्यनय्थे ज्या साड च्वंगु ख्वप नगरपालिकां देशां देछीया स्थानीय तहतय्ता शिक्षा निसे विकास निर्माणया ज्याख्व ब्वसेलागु ज्या साड च्वंगु नपां ख्वप विश्वविद्यालय न्ह्याकय्ता मः काथं ब्यवस्था याड पूर्वाधार विकास यायां वयो च्वंगु खँ ब्याक दिल ।

अथेहे ख्वप बहुप्राविधिक अध्ययन संस्थानया प्रमुख डा. रत्न सुन्दर लासिवा जुं संस्थान निस्वाडागुया उदेश्य ब्याकसें धिं धिं बल्लाया इलय् ब्वनामिपिन्ता न्हँ न्हँगु खोज अनुसन्धानमूलक शिक्षा वियता संस्थानं न्ह्याब्ले कुतः याड च्वंगु खँ काड दिल ।

ज्या इवः सं सिभिल विभागया विभागीय प्रमुख रमेश सुवाल प्राविधिक शिक्षा क्षेत्रय् थुगु संस्थान बियो वयो च्वंगु योगदानया खँ कुल दिल ।

थी थी साकोस पाखं ग्वाहाली

मंसिर १४

सुकुल ढोका बचत व ऋण सहकारी संस्थापाखं भीगु खप देशयनं कोरोना भ्वल्वय डाडः पुड वयो च्वंगुलिं थुकिता मपुंकः पाडः तयता खप नगरपालिकां थुगु लागाय् याड च्वंगु ज्यायाताचवछःसैं नगरपालिकाया प्रकोप ब्यवस्थापन कोषय् रु. २५,०००। (नीडाड्र तका दां) आर्थिक ग्वाहाली याड दिल ।

उगु आर्थिक ग्वाहाली खप नगरपालिकां न्ह्याक च्वंगु आइसोलेसन केन्द्र अझ बांलाकयता व कोरोना ल्वचं मथिइकः पाड तयता ग्वाहाली यागु खः । वहे इवल्य् खप नगरपालिका प्रमुख सुनिल प्रजापति जुं थजगु इलय् कोरोना ल्वय पानयता यागु ग्वाहालीया नितिं सुभाय् देछासे नगरपालिकापाखं पिथांगु सम्पदा ल्हवनेधुंगु व ल्हवडः च्वंगुया किपा मुना 'किपा साफु' व मेमेगु पिथनात उपहार काथं लः ल्हाड दिल ।



वहे इवल्य् नेगू तुं संस्थायाता खप नगरपालिकाया प्रमुख सुनिल प्रजापति जुं कोभिड १९ भ्वल्वय पानयता खप नगरपालिकायाता यागु ग्वाहालीया नितिं सुभाय् देछासैं खप नगरपालिका पाखं पिथांगु सम्पदा ल्हवनयकानय् याय् धुंगु व ल्हवड च्वंगु 'किपा मुना साफु' व नेगू प्यंगू प्रकाशनत उपहार काथं लः ल्हाड दिल । खप नगरपालिकां कोभिड १९ ल्वय पानयता याड च्वंगु बांलागु ज्यायाता फयां फःछिं ग्वाहाली याय्गु मतिं थी थी साकोस तयसं मदिकक ग्वाहाली याड च्वंगु दः ।

अथेहे भक्तपुर उद्योगि साकोस संस्थां कोरोना भ्वल्वय मपुंकः मडांकः पाडः तय्या लागिं खप नगरपालिकाया प्रकोप ब्यवस्थापन कोषय् रु. १,९६,२६९।- (छगू लाख व गुईखुद्र व नेस व खुइगुर्का) तका दां ग्वाहाली यागु खः ।

अथेहे लोकेश्वर बचत व ऋण सहकारी संस्था नं महामारी काथं डाडः, पुड वयो च्वंगु कोरोना भ्वल्वय मपुंकः मडांकः तयता खप नगरपालिकाया प्रकोप ब्यवस्थापन कोषय् रु. ५०,५५५।- (डय्द्र व डास व डय् डाका) तका दां ग्वाहाली यागु खः ।



अपाङ्गता जूपिन्ता सहायक सामग्रीत इत

मंसिर १७

नीगूकगु अन्तर्राष्ट्रिय अपाङ्गता दिवसया लसताय ख्वप नगरपालिकापाखं ८९ म्हा अपाङ्गता जूपुं मनूतयता सहायक सामग्री इयगु ज्या मंसिर १८ गते ख्वप कलेज हनय्या प्राङ्गणय् यासे मू पाहां ख्वप नगरपालिकाया प्रमुख सुनिल प्रजापति जुं न्ह्यम्हा अपाङ्गता जूपिन्ता ट्वाइलेट व ट्विचलेयर अलय हिं खुम्हा अपाङ्गता जूपिन्ता ट्विचलेयर इड ब्यूसें अपाङ्गता जूपुं ब्यक्तिया परिवारता हानय्ये मःगु व फः काथं ग्वाहाली याय् मःगु भी फुक्कसिया कर्तव्य खः धायो दिल ।

वयकलं अपाङ्गता जूपुं मनूतयगु सीप पिबव्यके वियगु काथं अमिके दुनय्ये लुकुबिड च्वंगु सीपत सिडक वहे काथंया ज्या ह्य्यासैं बिस्क क्षमता दःपुं मनूया काथं पिबव्यमःगु खौं ब्याकसैं थौं या प्राविधिक युगय् अपाङ्गता जूपुं मनूतयता प्रविधिमैत्री सामग्रीत छ्यलः समाजय् थः कय् दःगु कलात पिबव्यगु मौका वियमः गु खौं काड दिल ।

कोरोना भ्वल्वयया कारणं थुगुसी नगरपालिकां अपलं मनूत मुड थी थी भेला, सहकारी संस्थाया साधारण सभा नपां छुं नं ज्याखय् हुलमुल मयायता इनाप याड वयो च्वंगु खौं ब्याकसैं



वयकलं जेष्ठ नागरिक मचाखाचा त व अपाङ्गता जूपुं मनू तयके ल्वय नपां ल्वायगु क्षमता म्ह्वे जुइगुलिं अमिगु सुरक्षाखय् भाचा अपः ध्यान बियमः धायोदिल ।

ज्या इवःसं ख्वप नगरपालिकाया उप प्रमुख नपां अपाङ्गता जूपुं मनू तयगु म्हासिडका पौ इयगु अस्थायी समन्वय समितिया कजि रजनी जोशी जुं ख्वप नगरपालिका दुनय्ये ह्यौंगु कार्ड कायो तःपुं ८९ म्हा पूर्ण अपाङ्गता, वौचगु कार्ड कायो तःपुं २३८ म्हा आंशिक अशक्त, म्ह्वेसुगु कार्ड कायो तःपुं १४३ म्हा व तुइगु कार्ड कायो तःपुं

३८ म्हा याड ५०८ म्हा अपाङ्गता जूपुं मनू तयता कार्ड इड बियागु खौं ब्याकसैं नगरपालिकां दाय्ये दाय्येसं शिक्षा, स्वास्थ्य व सामाजिक लागता हःनय्ये तयो वांगु दाय्ये १५ गू लाख तका दां बजेट छखय् लिइक : थी थी ज्या इवःत न्ह्याकागु खौं ब्याक दिल ।

वयकलं अपाङ्गता जूपुं मनूतयता स्वयो, बिच याड नगरपालिकां मदिसैं ज्या इवः त ह्य्याड यंकेगु लक्ष्य दःगु अलय अपाङ्गता जूपुं व वयकया परिवारपिन्ता स्वयो मः काथंया तालिम न्ह्याकय्यु मति दःगु खौं ब्याक दिल ।

कोरोना भ्वल्वयया कारणं नगरपालिकां दाच्छिया दुनय्ये याय् धायगु वार्षिक ज्याइवः या सांकेतिक भायया तालिम न्ह्याकय् धायगुलि काथं मछिगुलिं दिक् याय् मःगु, काथं छिनकिं न्ह्याकिगु खौं ब्याक दिल ।

वडा नं. १ या वडाध्यक्ष नपां समन्वय समितिया दुजः श्यामकृष्ण खत्री जुं सहायक सामग्री मालादक फवंपुं ८९ म्हा अपाङ्गता जूपुं मनूत मध्ये ट्वाइलेट व ट्विचलेयर ७ म्हा, ट्विचलेयर १८ म्हा, वाकर ६ म्हा, तुइगु कछी (सेतोछडी) २ म्हा, हाकुगु चस्मा १ म्हा, बैशाखी प्यम्हा, न्ह्यपतं ताय्दैगु मेसिन २१ म्हा, हिटवेल्ड ३ म्हा, एअर मेट्रेस ३ म्हा, तुतां ३ म्हा व मेमेगु सामग्रीत २१ म्हा सिनं माग यागु खौं ब्याक दिल ।

समितिया कजि डा. रत्न सुन्दर लासिवा जुं अपाङ्गता जूपुं ब्यक्तिया परिवारय् बिचः याइम्हा मनूया कमेयायता वानय्ये मलाइगुलिं आर्थिक रुपं कमजोर जुइगुलिं नयत्वनय्यु बांलाक मदयो जिवय् बांमलागु लिच्वः लाइगुलिं अपाङ्गता जनस्वास्थ्यया सरोकारया विषय खः धायोदिल ।

वयकलं अपाङ्गता समूदाय, जिल्ला व देशया निंतिं हे समस्या जुयो च्वंगु लिं छगू छगू परिवारं हे मचा प्वाथय् च्वनिगु इलय् निसैं मदिव्क स्वास्थ्य परीक्षण याकः अपाङ्गता विषयया समस्या ज्यंकय्मः धायगु जानकारी ब्यूसैं ख्वप नगरपालिकापाखं न्ह्याक च्वंगु जनस्वास्थ्य सेवा केन्द्रं नगरबासी पिन्ता दांकः भिंक, बांलाक स्वास्थ्य सेवा बियो वयो च्वंगु खौं कुल दिल ।

ज्या इवःसं कार्यपालिकाया दुजः नपां समन्वय समितिया दुजः रोशन मैय्ये सुवाल जुं अपाङ्गता जूपुं ब्यक्तिपिसं यागु माग काथं कोरोना ल्वयया कारणं इय बाकी गु मेमेगु सामानत सम्बन्धित वडा कार्यालय पाखं अपाङ्गता जूपुं मनू तयगु छौं छौं थयंक वियगु खौं नं ब्याक दिल ।

ख्वपया न्हँ पुखु (रानी पुखु) या प्रतिवेदन लः ल्हात

मंसिर १८



ख्वपया ऐतिहासिक रानीपुखुया अध्ययन अनुसन्धानया निंतिं ख्वप नगरपालिका पाखं निस्वांगु अध्ययन समितिया पाखं कजि इतिहासविद प्रा. डा. पुरुषोत्तम लोचन श्रेष्ठ पाखं प्रतिवेदन लः ल्हाडः द्यूगु ख्वप नगरपालिकाया प्रमुख सुनिल प्रजापति जुं लः ल्हाडः काल ।

ख्वप नगरपालिका वडा नं. १ सल्लाघारी च्वंगु उगु ऐतिहासिक रानीपुखु ल्हवनयकानय याय्ता अध्ययनया निंतिं ख्वप नगरपालिका पाखं निस्वांगु रानीपुखु अध्ययन समितिं उगु पुखुया अध्ययन क्वचायकः उगु प्रतिवेदन बुद्धबार ग्वसः ग्वगु छगू ज्या इवःख्य ख्वप नगरपालिकाता लः ल्हाडः ब्यूगु खः ।

प्रतिवेदन लः ल्हाडः कायोदिसे प्रमुख प्रजापति जुं ख्वपया सम्पदातय्गु ऐतिहासिक दस्तावेजीकरण याय्गु धंगलं सम्पदात ल्हवनय-कानय व दानेगु ज्या जुयो च्वंगु खाँ ब्याकसें ख्वप नगरपालिकां नेपाली सेना पाखं समन्वय व सहकार्य यायां ख्वपया ऐतिहासिक रानीपुखु ल्हवनय कानय याय्गु नपां सार्वजनिक सम्पतित सुरक्षित याडः ल्यंकः तय्गु ज्या हज्याकः च्वडागु नपां यँया रानीपुखु ल्हवनयता ख्वप नगरपालिकां प्राविधिक व मःपुं कालीगढत छ्वयो ग्वाहाली याडागु खाँ ब्याकदिल ।

ख्वपय् च्वंगु सार्वजनिक सम्पति ल्यंकः तय्ता ख्वप नगरपालिकां स्वापुदःगु निकायखय् मदिक्वक धायो कुतः याडः वयो च्वडागु खाँ प्रमुख प्रजापतिजुं ब्याकसें ख्वपया सार्वजनिक सम्पति जनताया साभ्ना सम्पतिकाथं डालः वहे उद्देश्य ज्वडः ज्या हज्याक च्वडागु खाँ नं काडः दिल ।

मानव जातिं याडः वांगु न्ह्यागुनं ज्यात इतिहासकाथं

न्हँगु पुस्ताया दथ्वी ल्यडः च्वनिगु धायोदिसे वयकलं ख्वपया सम्पदात म्वाकः ल्यंकः ख्वपया इतिहास जीवन्त याडः ल्यंक तय्गुलि बः बियो च्वडागु खाँ ब्याक दिल ।

उपप्रमुख रजनी जोशी जुं रानीपुखु ल्हवनय्गु इवल्य् अपलं अध्ययन अनुसन्धान त जुगु गुकिं न्हँ न्हँगु तथ्य व प्रमाणत लुयो वसेलिं विडः च्वंगु इतिहास लुइकः हःगु थें जूगुलिं रानीपुखु अध्ययन समिति कार्यदलता सुभाय देछायो दिल ।

पुरातत्त्व विभागया पूर्व महानिर्देशक विष्णुराज कार्की जुं स्वनिगः या सम्पदात बुलुहँ ल्हाडः व ताडः वांडः च्वंगु इलय् ख्वप नगरपालिकां थानाया मूर्त अमूर्त सम्पदात पुलांगु हे मौलिक पहलं ल्हवनय कानय व दानय्गु याडः च्वंगु तस्क च्वछाय बहजू धायो दिल । वयकलं सम्पदात ल्हवनय कानय व दानय्गु इवल्य् उकिया पुलांगु मौलिक पहः काथं दय्कः तयमःगु खाँ महन्वपूर्ण खः धायो दिसें स्वनिगः या पुखुतय्गु अध्ययन अनुसन्धान याय्मःगु नपां पुखु सिथय चाकलीं सौन्दर्य वातावरण मैत्री काथं दय्केमः धायोदिल ।

रानीपुखु अध्ययन समिति कार्यदलया कजि पुरुषोत्तम लोचन श्रेष्ठजुं यँ या रानीपुखु दय्के पीदा हाँ हे दय्कगु ख्वपया रानी पुखुया पुरातात्त्विक नां 'न्हँ पुखु' खः धायो दिसे रानीपुखुया ऐतिहासिक महत्वया खाँ कुल दिसे वयकलं डालाया दुनयँ हे उगु रानीपुखु दय्के धुंगु खाँ आना लुयो वगु ल्वहँ पौया लिधंसाय् सिय दःगु खाँ ब्याकः दिल ।

ज्या इवःसं ख्वप नगरपालिकाया सम्पदा शाखाया आर्किटेक्ट सरिता धुख्वाजुं ऐतिहासिक रानीपुखुया बारे श्री डी क्यडः द्यूगु खः । कार्यदल (ज्याकुमि) या सदस्य सचिव रामगोविन्द श्रेष्ठ जुं नं ज्या इवःसं न्वचु तयो द्यूगु खः ।



सम्पदा संरक्षण परिषदया नायो नपां खप नगर प्रमुख

मंसिर १९

खप नगरपालिका दुनय्या तस्कं महत्वपूर्ण सम्पदात स्वयगु इवल्य भःम्हा सम्पदा संरक्षण परिषद नेपालया नायो भागवत नरसिंह प्रधानया न्ह्यलुवाय् वगु प्रतिनिधि मण्डलं खप नगरपालिकाया प्रमुख सुनिल प्रजापतिनपां शुक्रबार नपालाड दिल । नपालाय्गु इवल्य खप नगरया शिक्षा, स्वास्थ्य, विकास निर्माण, सम्पदा संरक्षण नपां थी थी विषयसं अन्तरक्रिया जुल ।



पुचःता लसकुसयासे नगर प्रमुख प्रजापति जुं सार्वजनिक सम्पति त्यलः नयगु प्रवृत्तिं सार्वजनिक सम्पतिया सुरक्षा तस्कं चुनौतीपूर्ण जु जुं वाड च्वंगुलिं थुकिता संरक्षण याय्ता जनतात थः हे जागरुक जुयो दानय्मः धायो दिल ।

वयकलं सार्वजनिक सम्पतिया रक्षा याय्गु सकल नागरिकया कर्तव्य खः धायोदिसे खपया गुलिं थासय्या सार्वजनिक सम्पतितछम्हा ब्यक्तिं त्यलः थःगु याड कःगु या उदाहरण ब्यूसें सार्वजनिक सम्पति संरक्षणे नगरपालिकां मदिक्क ज्या साड च्वंगु दः । गुगु ज्या खप नगरपालिकां विदेशीया ध्याछः हे ग्वाहाली मकसिं सम्पदा ल्हवनय्-कानय् व दानय्गु ज्या चतारं याड च्वंगु खाँ ब्याक दिल ।

तः भवखाचां स्यंकः थुडः ब्यगु सम्पदात ल्हवनय् कानय् व दानय्गु नपां खपया विकास निर्माणया ज्याखय् नगरबासीपिसं तस्कं क्वातुक ग्वाहालीयाड वयो च्वंगु खाँ नं प्रमुख प्रजापतिजुं धायोदिल ।

वयकलं खपया सांस्कृतिक सम्पदा, मौलिक सीप, स्थानीय कासा, नपां थी थी लागाया संरक्षण यासे न्ह्यु पुस्ताता लः ल्हाड यंकेगु लक्ष्य नपां नगरपालिका हज्याड च्वंगु खाँ नं ब्याक दिल । नपां यें या रानीपुखु ल्हवनय् कानय्ता खप नगरपालिकां याडगु ग्वाहाली कुल दिसे इतिहास, भूगोल, राजनीतिशास्त्र, संस्कृति व नेपाल भाषा ब्वनि पिन्ता नगरपालिकां छात्रवृत्ति बियो च्वंगु खाँ नं ब्याक दिल ।

सम्पदा संरक्षण परिषद नेपःया नायो भागवतनरसिंह प्रधानजुं खपया मूर्त अमूर्त सम्पदात थासय हे वाड स्वया बलय् थः तस्कं गौरवान्वित जुयागु नपां संपदा ल्यंकः म्वाकः तय्गुलि खप नगरपालिकां याड च्वंगु ज्या तस्कं च्वाय् बहजु धायो दिल ।

वयकलं खप नगरपालिकां नेपःया थःगु हे मौलिक पहिचान ल्यंक तय्गु काथं ज्या साड च्वंगु नपां सम्पदा ल्यंकः म्वाकः तय्गु ज्याखय् खप नगरपालिकां दकलय् हःनयें लागु खाँ प्वकसे यें या ठमेलय् च्वंगु पुरातात्विक कमल पुखु संरक्षण व पुनः स्थापना अभियानयें खपया जनताया निरन्तर साथ व ग्वाहाली दयो च्वनिगु आशा याड दिल ।

खप नगरपालिका वडा नं. ९ या वडाध्यक्ष रविन्द्र ज्याखव जुं खप नगरपालिकां जनताया स्वास्थ्यता हःनय् तयो वहे काथं बिचः याड खप अस्पताल दय्क च्वंगु खाँ ब्याक दिल । वयकलं यें थःबहीलय् च्वंगु पलेस्वां पुखु संरक्षणया निंतिं सम्पदा संरक्षण परिषदं याड च्वंगु संघर्षय् ऐकेवद्धता प्वकः दिल ।

ज्या इवःसं वडा नं. ७ या वडाध्यक्ष उकेश कवां जुं नं न्वचु तयो द्यगु खः । प्रतिनिधि मण्डलता खप नगरपालिकाया अधिकृत जौवन कोजुं खपया सांस्कृतिक सम्पदायाबारे प्रस्तुतीकरण क्यड द्यगु खः ।

ज्या इवःसं नगर प्रमुख प्रजापतिजुं नगरपालिकां अः तक खय् ल्हवनय् कानय् व दानय् धुंगु व दाडः च्वंगु क्पिया तः मुडः तः गु 'क्पिया साफू' व नगरपालिकाया पिथना उपहार काथं लः ल्हाडः दिल ।

उगू पुचः ता पर्यटन सेवा केन्द्रया प्रमुख गौतम प्र. लासिवाजुं खपया तः पुखु (सिद्ध पुखु) नःपुखु, भाज्यापुखु, खपया लाय्कु, तलेजु परिसर, वत्सला देगः, तः मही, दतात्रय, जनस्वास्थ्य सेवा केन्द्र नपां सम्पदात थासय हे यंकः अवलोकन याक दिल ।



दकलय् बांलाम्हा स्वयमसेवी पुरस्कृत

मंसिर २०

राष्ट्रिय महिला सामुदायिक स्वयं सेविका दिवसया लसताय शनिबार जुगु छगू ज्या इवःया दशवी खप नगरपालिकाया प्रमुख सुनिल प्रजापति जुं उन्कृष्ट जूपुं स्वयंसेविका पिन्ता सिरपा लः ल्हाड दिल । नगरया वडा दुनयँ जनसमुदायया दशवी दाच्छीया दुनयँ स्वास्थ्य सम्बन्धी ज्याया थीथी सूचकपाखं यागु मूल्याङ्कन काथं खप नगरपालिका वडा नं. ७ या लक्ष्मी केशरी तुईतुई न्हाप, वडा नं. २ या नेम्हा स्वयम् सेविकापुं कृष्णाश्वरी दथेपुथे, ल्यू व बबी मैयाँ लघु ल्यू यां ल्यू लागु खः ।

दकलय् बांलापुं स्वयम सेविकापिन्ता नगद पुरस्कार व लयूता पौ बियो दिसे प्रमुख प्रजापति जुं समाजय् स्वस्थ व निरोगीपुं मनूत दय्केता मदिसें थाकु मचसैं निस्वार्थ रुपं सेवा यायूता सकलसिता इनाप याड दिल । वयकलं हलिमय ब्याक महामारीकाथं डाडः पुड वयो च्वंगु कोरोना भवलयया कारणं समाजय् संक्रमित मयायूता नगरपालिकां धः थें ज्या साड द्यूगुलिं लयूता प्वकसे मदिसे थाकु मचसैं लगनशील जुयो निस्वार्थ मनं व सेवा भावं स्वयम सेविकापिनिगु म्हासिइका पिबवय फय्के मः धायो दिल ।

वयकलं सत्ताधारी दलया नेतातयसं ब्यापारी व ठेकेदार पुं नपां मिलय जुयो कोभिड १९ महामारीया सडकटया इलय् स्वास्थ्य सामग्री, कृषि सामग्री व न्हिया न्हिथं छ्यलिगु उपभोग्य वस्तुखय् भ्रष्टाचार, हाकुब्यापार व सामान स्वथाड बजारय् अभाव याड थिकय् याड म्यूगु त्हांगु अपराध खः धायोदिल ।

ज्या इवःस. खप नगरपालिका वडा नं. ९ या वडाध्यक्ष रविन्द्र ज्याखवः जुं चिकुलां अपलं ख्वंगु इलय् कोभिड १९ लव्य भन अपः जुय फँगु सम्भावना दःगुलिं विज्ञपिसं सचेत जुयमःगु खाँ ब्याकसैं ल्वचं सडकमित मजुइक तयूता स्वयमसेविकापिनिगु त्हांगु लाहा दैगु खाँ कुल दिल । वयकलं ब्योह, कयतापुजा, इही थजगु सामाजिक संस्कृति व अजगु भवैखय् मनूत अपलं हुलमुल जुइगुलिं लव्य पुनिगु अपलं सम्भावना दःगुलिं स्थानीय बासी पिन्ता संस्कृतिता औपचारिक काथं जक डाय्क व स्वास्थ्य सुरक्षा सम्बन्धी मापदण्ड काथं जुयता इनाप याड दिल ।

जिल्ला स्वास्थ्य कार्यालय भक्तपुरया प्रमुख कृष्ण बहादुर मिजारं शिशु व मातृ मृत्युदरे बांलाक, भिंक सुधार जुयो वःगु पुनिगु (सरुवा) लव्य नियन्त्रण नपां थी थी लव्यया विरुद्ध खोप कार्यक्रम बांलाक हज्याड च्वंगुलि महिला स्वास्थ्य स्वयम सेविका पिनिगु लाहा दःगु खाँ ब्याकसैं वयकलं स्वयमसेविकापिन्ता ई काथं इलय् ब्यलय् स्वास्थ्य तालिम व अभिमुखीकरण यायां यंकय् मः धायो दिल ।

खप नगरपालिका पाखं न्ह्याक च्वंगु जनस्वास्थ्य केन्द्रया इन्चार्ज डा. रत्न सुन्दर लासिवा जुं नेपः या सरकारं स्वास्थ्य स्वयम सेविका परिचालन सम्बन्धी न्हँगु कार्यविधि दय्क च्वंगु खाँ ब्याकसैं न्हँगु ब्यवस्थाकाथं स्वयम सेविकापिन्ता अफ्र बांलाक परिचालन याय्मः धायोदिल ।

ज्याइवःसं सामुदायिक स्वास्थ्य परिचालिका कमल केशरी राजचल व नर्स रचना सुवालं नं न्वचु तयो दयूगु खः ।



वागिश्वरी कलेजय् लैङ्गिकहिंसा विरुद्ध ज्याइवः

वागिश्वरी कलेज अतिरिक्त क्रियाकलाप समितिया गवसालय् लैङ्गिक हिंसा विरुद्ध १६ न्हू या अभियानया लसताय् प्रवचन ज्याइवः आइतबार क्वचाल ।

ज्या इवःसं मू पाहाँ नेपाल मजदुर किसान पार्टीया केन्द्रीय दुजः नपां बागमती प्रदेशया सांसद सृजना सैजू लैङ्गिक हिंसा विरुद्ध कानून दयकः हिंसाया घटनात म्बवायायां यक्यमःपुं सरकारं थः हे एन जि ओ व आइ एन जि ओ या ज्या इवः खय् दुतिडः वाड भत्ता नयो चवंगुलिं कुं खिड दिसे अपराधी पिन्ता छुं नं कार्बाही मयाइम्हा सरकारया विरुद्ध संघर्षयाय्ता ब्वनामिपिन्ता ब्वनयकुथि ब्वंबलय् निसें स्यडः यंकैमः धायोदिल ।

वयकलं नेपःया राजनीतिक इतिहासय् स्वंगू तहलय् हे दकलय् अप्वः मिसापुं जनप्रतिनिधिपुं दःगु इलय् हे दकलय् अपः महिला हिंसाया घटनात जुयो चवंगु तस्कं लज्या चाय्पुसे चवंगु खाँ खः धायोदिसे पुँजीवादी व्यवस्था हे ज्या साड नैपुं श्रमिक तय्गु हिंसाया छगू कारण खः । थुकिं मुक्ति जुयगु खःसा श्रमिक महिलात राजनैतिक रुपं छप्पाछधि जुयमः । संगठित जुयमः धायोदिल । वयकलं महिला हिंसा याइ पुं न्ह्याम्हा हे जूसां मृत्यु दण्ड बियगुः बन्दोवस्त याय्मः दक नेमकिपां संसदय् बारम्बार सः तयो वयो च्वंसां नं गुण्डा, अपराधी, तस्करी पिसं चाकु नकः तः म्हा सरकारं कानून ह्यगु आँट मयागु खाँ ब्याक दिल ।

कलेजया प्राचार्य धनकुमार श्रेष्ठ जुं राजनैतिक सचेतता मदय्क लैङ्गिक हिंसा म्हव याय् मफैगु खाँ ब्याकसैं ब्वनामिपिसं लैङ्गिक हिंसा म्हवँ याय्ता आलोचनात्मक मिखालं स्वयो चवसुत चवयमः धायोदिल ।

कलेजया कजि ज्ञानसागर प्रजापति जुं विदेशय् नेपःया म्हयाय् मचात दोकाय् दोकाय् चवलय् फैं थें मिडिकेगु नीति हःपुं नेपाली कांग्रेस, एमाले, (अःया नेकपा) हे मुख्य दोषी त खः धायोदिसैं लैङ्गिक हिंसा म्हवँ याय्ता सरकारया गलत नीतिया विरुद्ध ब्वनामिपिसं १६ न्हूँ जक मखुसैं मदिक्क संघर्ष न्ह्याकय् मः धायो दिल । वयकलं काय्पिन्ता मुलय् तयो म्हयाय् पिन्ता हेपय् याय्गु संस्कारे क्वबवाड चवंगु थुगु समाजय् ह्यूपा हयो मिसामचातनं थःगु तुतिखय् चुय फय्क ब्यूसा अः या स्थितिखय् महिला हिंसा म्हवँ जुय फःधायो दिल ।

वागिश्वरी मा.वि. या प्रधानाध्यापक कृष्ण प्रसाद धन्छां लैङ्गिक हिंसाया बारे मिजं मस्तय्ता नं प्रशिक्षण बियमःगु आवश्यकता कांसे सामाजिक सञ्जाल पाखं जुइगु लैङ्गिक हिंसां सचेत जुयमः धायोदिल ।

विद्यालय बयवस्थापन समितिया दुजः नपां शिक्षिका सुशिला कर्माचार्यया सभानकिलय् उगु ज्या इवसं शिक्षक मंगलेश्वर ध्वंजु, ब्वनामिपुं सुनिता त्वायनाबासु कृपा प्रजापति सदिका न्ह्येम्हाफुकी मालती पराजुली पिसं लैङ्गिक हिंसाया बारे न्वचु तयो द्यूगु खः ।

अथेहे ख्वप नगरपालिका वडा नं. ९ या गवसालय् ख्वप नगरपालिकाया उप-प्रमुख रजनी जोशीया मू पाहाँलय् 'लैङ्गिक हिंसा विरुद्ध सचेतना' ज्याइवः मंसिर २५ गते क्वचाल ।

ज्याइवःसं उपप्रमुख जोशीजुं न्हिया न्हिथं लैङ्गिक हिंसा अप्वयो चवंगु नपां लिङ्गया आधारय् बिइगु शारीरिक व मानसिक हिंसाया विषय न्हूँगु पुस्ताता सचेत याय्मःगु खाँ ब्याक दिल ।

सामाजिक सञ्जालया दुरुपयोगं नं हिंसाया घटनात अप्वयो चवंगुलि बिचः याय्मः धायोदिसे उप-प्रमुख जोशी जुं ख्वप नगरपालिकां न्यायिक समिति पाखं पीडितपिनिगु पक्ष खय् ज्या साड वयो चवंगु खाँ नं ब्याक दिल ।

ख्वप नगरपालिका वडा नं. ९ या वडाध्यक्ष रविन्द्र ज्याख्व जुं जन्मदता, इहिपा दता, लगायतया ब्यक्तिगत घटनाया दता इलय् हे वडाय् भायो याय् मःगु आवश्यकता काड दिसे इलय् हे दता मयागुलिं इहिपा लिपा मिसामस्तयसं नागरिकता प्रमाण-पत्र काय थाकुगु, इहिपा दतात अंश नपां स्वापु दःगुलिं मानसिक यातना बियो चवंगु यथार्थ खाँ ब्याक दिल ।



ज्या इवःसं अधिवक्ता अनिता जधारीं अनलाइन कक्षा न्ह्याक चवंगु इलय् ब्वनामिपिसं फेसबुक, यूट्यूव व टिकटक थजगु सामाजिक सञ्जालया लट लगय् जुइगु पाखय् नं बिच याय्मःगु खाँ या सल्लाह ब्यूसें मचातय्ता आधुनिक सूचना प्रविधिया छ्यलाबुला याकय्गु इलय् अभिभावक पिसंनं इलय् ब्यलय् छु खः



डय्खगूगु स्वप पौ, बःछि पौ(पाक्षिक)

दक स्वयमःगु सल्लाह नं बियो दिल ।

ज्या इवःसं वडाया दुजः इन्द्र बहादुर प्याथं अस्ट्रेलिया, युरोप, अमेरिका वानयगु लोभय् न्हँगु पुस्ता ल्यासे-ल्याम्होपिसं अभिभावक पिसं म्हासिइक हे वडा कार्यालय वयो इहिपा दर्ता यो वइपिनिगु ल्या अप्वयो च्वंगु खाँ नं ब्याक दिल । ज्या इवःसं वडा कार्यालयया कर्मचारी मिरा बासुकलां नं न्वचु तयो द्यूगु खः ।

लैङ्गिक हिंसा विरुद्ध मिसामस्त सचेत जुयमःगु

अथेहे खप नगरपालिका वडा नं. ६ या गवसालय लैङ्गिक हिंसा विरुद्ध हिंखुन्हाया अभियानया इवलय् जूगु सचेतना ज्या इवः वडाधक्ष हरिराम सुवाल (६) जुं थौं कन्हेया इलय् लैङ्गिक हिंसाया

बिस्कं पहः खानय् दयो वयो च्वंगुलिं मिसामस्त न्हापा स्वयो अः अफ्क अपः सचेत जुयमःगु आवश्यकता प्वकसे वयकलं सचेतना ज्याइवः मदिकक न्ह्याकय् फःसा महिला हिंसा म्हव जुजुं वानिगु खाँ ब्याक दिल ।

नेपाल क्रान्तिकारी किसान संघया केन्द्रीय न्वकु गोविन्द दुवाल जुं नेपाल मजदुर किसान पार्टी न्हपानिसें मोहियानी हक कायम याय्गु आन्दोलनं थौं कन्हेया न्हँगु पुस्ताया ल्यासे ल्याम्हो पुं आर्थिक व सामाजिक रुपं हज्याड च्वंगु खाँ ब्याक दिल ।

ज्या इवःसं भनपा कार्यालयया दुजः रोशन मैयाँ सुवाल, शिक्षक गणेश राम थुसा लगायतं न्वचु तयो द्यूगु खः ।

खपया प्रजिअता लसकुस

मंसिर २४

खपया नगरपालिकाया गवसालय धनुषा जिल्लां सरुवा जुयो खपय भःम्हा प्रमुख जिल्ला अधिकारी प्रेमप्रसाद भट्टराई जू याता लसकुस यासे खप नगरपालिकाया प्रमुख सुनिल प्रजापति जुं खप नगरपालिकां देश व जनताता दकलय् हः नय् तयो अपलसिया सामुहिक हितया नितिं ज्या साड वयो च्वंगु खाँ ब्याक दिल ।

वयकलं खप नगरपालिकां सल्लाघारी च्वंगु १०८ पी जग्गा संरक्षण व संवर्द्धन याड वयो च्वंगु नपां भक्तपुर क्यान्सर अस्पताल नेपःया सरकारया मातहतय् न्ह्याकगु बांलागु खाँ खः धायोदिल ।

भक्तपुर औद्योगिक क्षेत्रं जुइगु कुँ, धू या प्रदुषणं याड स्थानीय जनतां ता ई निसें पीडित जुयमःगु खाँया गुनासो यायां वःसां अः तक बांलाक ध्यानमतः । अजगु जनताया स्वास्थ्य बांमलागु लिचव लाकिगु उद्योगत व थासं चिइकेता मःगु पहल याड च्वंगु खाँ नं प्रमुख प्रजापति जुं ब्याक दिल ।

वयकलं सांस्कृतिक नगर काथं म्हासिइका पिब्वयो च्वंगु खपया सम्पदात ल्हवनय् कानय् व दानेगु ज्या याडः म्वाकः तयगुलि विदेशीया ध्याछ धेवा हे मकःसिं नगरपालिकाया स्रोत, जनताया आर्थिक ग्वाहालीं, जनश्रमदानं ज्याजुयो च्वंगु खाँ ब्याकसें जनप्रतिनिधि व कर्मचारीया मंकः कुतलं जक अपलं जनताया सेवा याय् फँगु खाँ धायोदिल ।

खप नगरपालिकाया उप-प्रमुख रजनी जोशी ऐतिहासिक नगरीकाथं लोकह्वाक च्वंगु खप दे याता यचु पिचुगु स्वच्छ, पर्यटकीय गन्तब्य व शिक्षाया केन्द्र दय्केगु मतिं हज्याड च्वंगु खाँ ब्याकदिल ।

खप जिल्लाया प्रमुख जिल्ला अधिकारी प्रेम प्रसाद



भट्टराईजुं खप नगरपालिकाया फुक्क ज्या व्वसेलागु खाँ काड दिसे खपया शान्ति सुरक्षा व भक्तपुर बासी जनताया स्वास्थ्य सुरक्षा खय् प्रतिवद्ध जुयो ज्या सानय्गु बचं बियो दिल ।

वयकलं स्वनिगःया स्वंगु सहरत हलिमय तस्कं नांजःगु धलः खय् लाड च्वंगु खाँ ब्याकसे भक्तपुर औद्योगिक क्षेत्रं यागु कुँ, धू पिकायो प्रदुषण याइगु उद्योगत चियकेता थः सकारात्मक जुयागु सार्वजनिक सम्पति रक्षा याय्गु ज्या खय् थः सदां तत्पर जुयगु विश्वास प्वकसे, खप नगरपालिकां कोरोना भ्वल्वय मपुंकः मडांकः पाड तय्ता साड च्वंगु ज्या तस्कं च्वछाय् बहजु धायो दिल ।

खप नगरपालिका वडा नं. ९ या वडाध्यक्ष रबिन्द्र ज्याख्व जुं नं न्वचु तयो द्यूगु उगु ज्या इवःसं खप नपा कार्यपालिकाया दुजः व शाखा प्रमुख नं उपस्थित जुयो द्यूगु खः । नगर प्रमुख प्रजापति जुं प्र जि अ भट्टराईजू याता खपया लोकह्वागु म्हवयखा इयो व नगरपालिकाया पिथनात उपहार काथं लः ल्हाड दिल ।

ख्वपय् पुस १ गते निसैं ब्वनय् कुथि चाइगु

ख्वप नगरशिक्षा समितिया नायो नपां ख्वप नगरपालिकाया प्रमुख सुनिल प्रजापतिया नायोसुई कोरोना भ्वल्वयया हुनि दिक्नुयाड तःगु ब्वनय् कुथित चाय्केगु विषय नगर शिक्षा समितिया बैठक च्वन ।

बैठकं कोभिड भ्वल्वयया महामारीया कारणं ताः ई निसैं दिक्नुयाड तःगु विषयखं ब्वनय् कुथिं अनलाइन व भर्चुअल विधिं वैकल्पिक कक्षात न्ह्याकः च्वंगुलि नगरबासी अभिभावक, विद्यार्थी, ब्वनय्कुथिया शिक्षक-शिक्षिकापुं, विद्यालय सञ्चालक लगायत स्वापु दःपुं सरोकारवालापिनि पाखं वगु सुभावा व नेपाल सरकार शिक्षा विज्ञान व प्रविधिमन्त्रालयं स्वीकृत विद्यालय सञ्चालन सम्बन्धी कार्यढाँचा - २०७७ काथं नगर दुनय्या ब्वनय्कुथि स्वास्थ्य सुरक्षा सम्बन्धी मापदण्ड पालना याय्गु याड पालंयः याड ब्वंकय्गु व ब्वनय्कुथि अः तक न्ह्याक च्वंगु वैकल्पिक शिक्षण विधि नं मदिकक न्ह्याक च्वनय्गु निर्णयजुल । बैठकं २०७७ पुस १ गते निसैं न्ह्याकिगु याड ख्वप नगर दुनय्या सामुदायिक व संस्थागत माध्यामिक ब्वनय् कुथित विद्यालय सञ्चालन सम्बन्धी प्रस्तावना नपांया कार्य योजना ख्वप नगरपालिका शिक्षा शाखाय् बुभ्के याड च्यागु, गुगु व हिगू तगिं पालंयः ब्वंकय्गु काथं न्ह्याकय्गु निर्णयजुल ।

ब्वनामिपुं सचरीस्वयो म्हवँ जक दःगु फुक्क सामुदायिक व संस्थागत ब्वनय्कुथिया हकय् स्वास्थ्य सुरक्षा सम्बन्धीया मापदण्ड कार्यान्वयन याड विद्यालय सञ्चालन सम्बन्धी प्रस्तावना नपां कार्ययोजना ख्वप नगरपालिका शिक्षा शाखाय् पेश याड उगु तगिंत न्ह्याकय्गु निर्णय जल ।

बैठकं फुक्क सामुदायिक एवम् संस्थागत ब्वनय्कुथितय्सं आखः ब्वंकय्गु विषय विद्यालय व्यवस्थापन समिति बैठक, शिक्षक, कर्मचारी बैठक, ब्वनामिपुं व अमि अभिभावकपुं नपां सर-सल्लाह याड बैठकया निर्णयया फोटोकपी नपां २०७७ मंसिर मसान्तया दुनयँ विद्यालय सञ्चालन सम्बन्धी प्रस्तावना नपांया कार्ययोजना ख्वप नगरपालिका शिक्षा शाखाय् पेश यायमःगु निर्णय जल ।



ब्वनय्कुथित गथे याड चाय्केगु धाय्गु दोधारय् लाड च्वंगु इलय् नगरपालिका संस्थागत व सामुदायिक ब्वनय्कुथिया प्रतिनिधिपुं, शिक्षक, विद्यार्थी व अभिभावक संघया प्रतिनिधिपुं नपां नं ब्वनय्कुथि गथे याड न्ह्याकसा बांलाइ, भिं जुइ दक नेक प्यक बैठक च्वड छलफल याडः सुभावात कायो वहे सुभावा काथं ब्वनय्कुथि चाय्केगु निर्णय यागु खः ।

ब्वनय्कुथि चाय्केता अभिभावकपुं नपां सल्लाह

ख्वप नगरपालिका ब्वनय्कुथि चाय्केता अभिभावक पिनिगु बिचः न्यनय्गु मतिं अभिभावक संघ नेपाल भक्तपुर जिल्ला समितिया प्रतिनिधिपुं नपां मंसिर २६ गते छलफल जल ।

बैठकसं ख्वप नगरपालिकाया प्रमुख सुनिल प्रजापति जुं छथाय् नेथाय् फाट्ट फुट्ट ब्वनय् कुथि चाय्क च्वंगु, मास्टरतय्सं छँसं सुंक च्वड तलबकायो च्वंगु, डागु तगिं स्वयो च्वयया तगिनय् अनलाइन पाखं कक्षा न्ह्याक च्वंगु, अथेनं क्वय क्वयया ब्वनामि मस्त चिच्या-चिच्याहिपुं जुइगुलिं कक्षा कोठाय् वय मफैगु नपां अनलाइन कक्षां उलि धवाथुइक, प्रभावकारी ढंगं ब्वनय् मफगु सुभावात वयो च्वंगुलि अः छु यासा जिइदक स्वापु दःपुं फुक्क नपां छलफल याडः बिचः कायो च्वडागु खाँ ब्याकदिल ।

बैठकसं अभिभावक संघया मू छ्याञ्जे नपां अभिभावक संघ नेपाल ख्वप जिल्ला समितिया छ्याञ्जे रामकृष्ण प्रजापति जुं ब्वनामि मस्त छँ कोरोना ल्वचं गुलि सुरक्षित दः ? अभिभावकपुं

थः थः गु ज्या (ब्यवसाय, ब्यापार व नोकरी) खय् वड चाहिल वयो छँ मचा खाचा त नपां म्हित जुइगु लिं बरु ब्वनय् कुथि ब्वनामि मचातय्ता छ्वयो ब्वनय् कुथि कोरोना ल्वचं मथिइकः सुरक्षित काथं तय्के फःसा बांलाइ धायो दिल ।

संस्थागत विद्यालय अभिभावक संघया केन्द्रीय नायो सुवास भण्डारी जुं शैक्षिक सत्र नेला जक ल्यं दः बलय् नपां चिकुलां कोरोना ल्वय पुनिगु अपलं सम्भावना दःगुलिं फुक्क ब्वनामिपिनिगु निःशुल्क परीक्षण याय्गु सम्भव मरुगुलि ब्वनय्कुथि न्ह्याकय्ता सी सी एमसीया स्वास्थ्य मापदण्ड काथंया गाइडलाइन मवतलय् छु ई लानय् माली धायो दिल ।

बैठकसं संस्थागत विद्यालय अभिभावक संघया महासचिव रामचन्द्र सुवेदी, अभिभावक संघ नेपाल भक्तपुर जिल्ला समितिया नायो मणिरत्न बज्राचार्य संघया सल्लाहकार विनोद चरण राय पिसं नं थः थः गु बिचः प्वंकः द्यगु खः ।

तार व केबुलत बायँ ल्हाकेता बैठक

ख्वप नगरपालिकाया प्रमुख सुनिल प्रजापतिया नायोसुई नगर क्षेत्र दुनयँ लायँ न्हँगु मताया व्यवस्था याय्गु योजना काथं नगरया थी थी थासय् पुलांगु लथा (पोल) त चिडकः तार व केबुलत व्यवस्थापन याय्गु विषय बैठक जुल ।



उगु बैठकं ख्वप नगरया (सडक बत्ती) लायँ मता तय्गु थासय् थी थी सेवा प्रदायक पिनिगु तार, केबुलत यतेप्यतय् खायो, यतेप्यतय् गायो अपःगु तारत ग्वराचिड प्वःचिड माकचा जःथें अब्यवस्थित काथं तयो तःगुलिं अजगु केबुलत स्वापु दःपुं निकायया (एनइए, टेलिकम, आइ एस पी, केबुल टि भी) पाखं ब्यवस्थित याकेगु निर्णय जुल ।

बैठकं थी थी सेवा प्रदायकपिनिगु केबुल व तारत, लथाता स्वापु दःगु निकाय व मनूतय्सं मापदण्डख्य नियमित याकः अः स्वयो बांलाक ब्यवस्थित याकेगु निर्णययात ।

बैठकं न्हँगु मता लायँ तयबलय् वइगु समस्याता स्थानीय निकाय (ख्वप नपा) एन इ ए टेलिकम, आइएस पि केबलटिभी नपां स्वापु दःपुं मनुत नपां मिलयजुयो(सडक बत्ती) लायँ मता तय्गु योजना पु वांकेगु निर्णय याता ।

बैठकसं वडा नं. ७ या वडाध्यक्ष

बैठकसं नगरप्रमुख प्रजापति जुं ऐतिहासिक व सांस्कृतिक नगर ख्वपया सुन्दरता म्वाकः ल्यंकः तय्ता नगर दुनय्या थी थी थासय् उखें थुखें सः मसः जुयो च्वंगु तारत लिपा थ्यंकः ब्यवस्थित काथं तय्ता तारत जमिन तःल्य ल्हाकयगु इवल्य ज्या जुयो च्वंगु खाँ ब्याकसँ अथे माखा पिखा चाय्गु जः थें उखेस्व थुखेस्व मदय्कः तार व केबुल तयो तै बलय् नगरया रुप हे कुरुप याड बिइगुलिं भीगु नगर बांलाक तय्ता थ्व नपां स्वापु दःपुं सकलसिनं थः थः गु थासं मः काथ्या पहल व समन्वय याड बियादक इनाप याड दिल ।

ख्वप नगरपालिकां ख्वप नगरया थी थी थासय् न्हँगु पोल थानय्गु इवल्य छुं काथ्या बाधा अवरोध मवय्मः दक स्वापु दःपुं सकल सरोकारवालापुं नपां मिलयजुयो खाँ ब्याक सल्लाह याड वयागु नपां ख्वप नगरदुनय्या सम्पदा लागाय् बन्ही मता च्याक मताया जलय् सम्पदा भन भःभः धःगुलिं देशं दुनय् व पिनय्या पर्यटक प्रवर्द्धनय् ग्वाहाली जुयो च्वंगु खाँ काड दिल ।



उकेश कवां जुं न्वचु तयो द्यगु खःसा ख्वप इञ्जिनियरिङ्ग कलेजया राकेश ग्वाछां, ख्वप नगरया अः या इलय् पोलया अवस्थाया प्रस्तुतीकरण ख्वप नगर क्षेत्रया केबुल व इन्टरनेट जनप्रतिनिधि, नेपाल विद्युत प्राधिकरण ख्वप नगर क्षेत्रया केबुल व इन्टरनेट सेवा बियो च्वंपुं सेवा प्रदायक संस्थाया प्रतिनिधिपुं उपस्थित जुयो द्यगु खः ।

श्रमिक वा पौ ज्या साड नैपुं वर्गया ध्वायँ

श्रमिक वा पौ ज्या साड नैपुं ज्यापु ज्यामि वर्गया ध्वायँ खः, मदिकक बैज्ञानिक समाजवादया शिक्षा ब्यू ब्यू क्रान्तिकारी कम्युनिष्ट ब्वलांकेगु ज्यासाड नैपुं वर्गया पत्रिका खः। नेपाल मजदुर किसान पार्टीया केन्द्रीय दुजः नपां खप नगरपालिकाया



प्रमुख सुनिल प्रजापति जुं खप नगरपालिका वडा नं. १ सल्लाघारी च्वंगु नेमकिपा नपली सृजनानगर एकाइ समितिया ग्वसालय् जूगु श्रमिक वा पौ या अन्तरक्रिया ज्या इवःसं उगु बिचःप्वंकः द्यूगु खः। नपां वयकलं श्रमिक वा पौलं ज्या साड नैपुं वर्गया पक्ष वकालत याइगु, वर्ग दुश्मनता घृणा याकिगु, संसारया मजदुर आन्दोलनया सफलता असफलताया खाँ काड नेपाली जनताया शिक्षा, बियो च्वंगु खाँ ब्याकसें अनुशासित, व्यवस्थित व क्रान्तिकारी बिचः ज्वड हज्याड च्वंगु कार्यकर्ता तयसं जक समाजय् ह्यूपा ह्यता न्हयलुवा जुयो हज्याय फै धायोदिल। श्रमिक वा पौ लं अजपुं हे देशभक्त, क्रान्तिकारी कम्युनिष्ट ब्वलांकेगु मतिं पिथांड च्वंगु पौ खः दक प्रमुख प्रजापतिजु धायोदिसे समसामयिक राजनीतिया खाँ लिहँ थासें नेकपा दुनयया विवाद सिद्धान्तया मखुसें पद व थःगु ब्यक्तिगत स्वार्थया ल्वापु खः धायो दिल्।

नेमकिपाया बैकल्पिक केन्द्रीय दुजः नारायण बहादुर दुवाल जुं

नेमकिपां समाजय बांलागु ह्यूपा ह्यता तहांगु ज्या साड च्वंगुलिं थौं छखा छँ छम्हा मखु तःम्हा स्नातक पास जू पुं मनूत दःगु खः धायो दिल्।

नपली सृजना नगर सेवा समाजया नायो राममणि पोखरेल जुं ऐंगेल्स मार्क्सता यागु ग्वाहाली थें श्रमिकं ज्या साड नैपुं वर्गता लाँपु क्यड च्वंगुलिं थव 'कम्युनिष्ट पार्टीया घोषणा पत्र' थें हे खः धायो दिल्।

नेपाल प्रज्ञा प्रतिष्ठानया प्राज्ञ नन्दु उप्रेतिं ५३/५४ सालनिसें ब्वडागु श्रमिक वा पौलं 'वर्ग प्रेम, भिंपुं मनु संगत याय्मःगु बांलागु खाँ काड च्वंगु दः' धायोदिल वयकलं ब्वनय्गु बानी याय् मःगु खाँ ब्याकसे श्रमिकं देया थी थी ऐतिहासिक थाय्या म्हासिडका, अफ्रिकी देशय् जुयो च्वंगु घटनात नं दुथ्याकः देशां देछि थुगु पौ छ्वयमःगु व मब्वेसें मगागु वा पौ खः धायोदिल।

स्थानीय सहदेव बास्टोलां का रोहितया अविचलित बिचःलं थः तस्कं प्रभावित जुयागु खाँ निहँ थासे श्रमिक वा पौ लं साम्यवादया मदिकक प्रचार याड च्वंगुलिं लयता प्वंकः दिल्।

वडा नं. १ या वडाध्यक्ष श्याम कृष्ण खत्री जुं श्रमिकया थी थी पक्षखय् खाँ काड दिलसा स्थानीय बिमला कार्की, राजन दाहाल, कृष्ण प्रसाद दाहाल, राजेन्द्र अवाल जु पिसं न्वचु तयो द्यूगु ज्या इवःसं नेमकिपा नपली सृजना नगर एकाइ समितिया नायो सूर्य प्रसाद श्रेष्ठ या सभानायोलय् जूगु खः।



'श्रमिक' वा पौया अन्तरक्रिया

(२०७७ मंसिर २७ गते)



बाराही ताँ ल्ह्वनयगु इवलय्



ख्वपया प्र.जि.अ. प्रेम प्रसाद भट्टराई जुयाता लसकुस

(२०७७ मंसिर ७ गते)



ख्वप नगर ढुनयँ तार व केबुल ब्यवस्थित याय्ता बैठक

(२०७७ मंसिर २५ गते)

